



**Tres regis Navarraei declarationes, quas paulo ante obitum regis ad tres Gallici regni ordines habuerat, super iis quae a vicesimo tertio Decemb. anni 1588. in Gallia contigerant : quibus adduntur mutuum regis, & principum, ac nobilium, de regno, & religione conservanda jusjurandum, tum literae ab utroque rege ad Montis Belligardi comitem missae, ad haec literae ducis Lotharingi ad Lingonenses, & horum ad eas responsum, & declaratio, eorundem de sua in regem fide**

<https://hdl.handle.net/1874/12813>

2

# TRES REGIS

NAVARRAEI DECLARA  
TIONES, QVAS PAVLO  
ANTE OBITVM REGIS AD TRES  
Gallici regni ordines habuerat, super  
iis quæ à vicesimo tertio Decemb.

annii 1588. in Gallia con  
tigerant.

*Quibus adduntur mutuum Regis, & Prin  
cipum, ac nobilium, de regno, & Religio  
ne conseruanda ius surandum,*

TVM LITERAE AB VTRQVE RE  
ge ad Montis Belligardi Comitem missæ. Adhæc  
literæ Ducis Lotharingi ad Lingonenses, & ho  
rum ad eas responsum, & declaratio, eorundem  
de sua in Regem fidè.

OMNIA LATINE PER  
Tuffanum Berchetum Lingonensem  
reddita: qui & statim initio de perfida  
& scelerata Regis cæde paucis agit, &  
vrbes Gallicas ad fidem Regi suo  
seruandam Lingonensem  
exemplo adhortatur.

*S E D A N I.*

---

*M. D. LXXXIX.*

*TVSSANVS BER-*  
*chetus Lingonensis, candido*  
*pioq; Lectori. S.*



VM hæ tres priores, & continua hīc serie contexte declaraciones, à bonis omnibus summa voluptate lecte  
tulisse, dignissimæque iudicatæ, quæ ab exteris, religionis maximè, & foederis vinculo nobiscum sociatis nationibus legerentur, vt perspectum illis etiam foret, quibus maximè causis ad ducti factiosi & perduelles nostri, bella hæc tam funesta suscepérint: Cōtrà, quām grauibus, iustisque rationibus perpulsus Rex ille pius sceleratam illorum, & exitiosam coniurationem testinguere sit antea conatus, atque etiamnum conetur: Ego grauissimum aliquot virorum cohortatione persuasus, si non operæ aliquod premium, at certè officium meum factum me putaui, si eas lectu non minus necessarias, quām iucundas declaraciones, è Gallico sermone in Latinum conuerterem: Alioqui arrogantiæ crimina aut inertie subiturus, si tantorum

virorum authoritatem aspernarer, &  
tantillum labore multorum votis,  
& ipsi quoque Reip. denegarem: cuius  
& hoc aliquatenus interesse videtur,  
tantam coniuratorum istorum perfidi-  
am. & impietatem exploratissimam  
omnibus esse, ut ne quis posthac in il-  
lorum se laqueos imprudens induat,  
aut si blanda quadam Religionis, uti-  
litatisue specie allectus, ijs iam forte  
inpletus tenetur, illinc se quamprimum  
expediat, ad meliorem mentem vo-  
luntatemque se conferat, & ad eorum  
qui vera sentiunt, & recta sequuntur  
sententiam causamque adiungat, pri-  
uatæ, & publicæ saluti, ac dignitati  
quoad poterit, consulturus. Atq; hac  
potissima, vel potius vnicā huius ver-  
sionis, & editionis ratio primū fuit.  
Sed malū! priusquā typis hæc man-  
darentur, ecce ex vulnere, impie & per-  
fidiosè Regi inflito, morteque inde-  
consequuta, & luctuosa, & verè misé-  
ribili, noua alia longè magis tragica,  
& prodigiosa scribendi, edendiique oc-  
casio. & materia data fuit. Cùm enim  
acerbissimus omnibus fidelibus qui-  
dem subditis, & tristissimus ille Regis  
sui casus, eiusdemq; ad Montis Belli-  
gardi

gardi Comitem literæ, ea quæ pius ille  
Rex Nauarreus tribus hisce declaratio-  
nibus docuit, atq; adeò vaticinatus est,  
nimium vera esse confirmat: Illud e-  
nim uero tam horribile, indignumq;  
parricidium finitimiis populis nō tan-  
tum modò declarandum, sed illius et-  
iam causa, modus, & ipse minister pa-  
tefaciendus fuit. (Nam authorem ne-  
mo non videt, nisi admodū est excors,  
atq; adeò truncus & stipes.) A quo au-  
tem verius hæc omnia cognosci pos-  
sunt, quam ab eo qui coniuratorum  
factiones, & consilia, quæ iam dudum  
fuerat odorat<sup>9</sup>, ac perscrutatus, à quar-  
to abhinc anno, & eo amplius multis  
querelis, & edictis, est testificatus<sup>9</sup> qui  
famosis libellis omni turpitudinis, &  
contumeliæ genere, impudentissimè  
refertis, est laceratus<sup>9</sup> qui sua illa Basili-  
ca, vrbium Gallicarum principe gra-  
rio, solio, sceptro, rerum administra-  
tione, omni ornamēto, & vita tandem  
ipsa indignissimè, & crudelissimè est  
priuatus<sup>9</sup>. Hæres vero adhuc, ô lector,  
quænam fuerit, tot, tantorumque fla-  
gitiorum causa? Auri sacra famæ, re-  
gniique nefanda cupido. Inexplabilis,  
inquam, illa habendi cupiditas, & ea

quam tamdiu inhiant, ac in quam to-  
to animo & studio, totis etiam, tūm  
suis, tūm alienis viribus, & opibus in-  
cumbunt, dominationis libido, tot  
nobis tamq; exitia bella excitatū:  
Tot etiam raptus, cedes, latrocinia, in-  
cendia, regni antea florentissimi &  
potentissimi vexationem, direptionē,  
& exitium, legum, iustitiae, pietatis, li-  
terarum, bonorum virorum à pietate,  
bonorum ciuium à Regis obseruantia  
defectionem, omnium bonarum re-  
rum interitum, denique Henrici Ter-  
tij Gallorum Regis immanissimam et  
iniquissimam cædem attulerunt. At  
Religio Catholica, Ecclesiæ dignitas,  
animatorum salus, Papæ authoritas a-  
guntur, nisi hæreticorum conatibus  
maturè obsistatur. Bellum sanè, & spe-  
ciosum admodùm cōmentum. Quasi  
verò aut hæresis tollatur, aut hæretici  
de sua sententia dimoueantur, armo-  
rum, ac non librorum potius sacroru-  
m tractatione. Quasi illæ diuini & huma-  
ni Iuris, omnisque Religionis pestes,  
Religionem ullam, aut norint aut cu-  
rent, quasi etiam vel Papam, vel Ec-  
clesiam verè agnoscant, aut colant,  
nisi quatenus aliquid inde commodi  
aut

aut honoris consequi sperant. Excipio semper rerum ferè omnium imperitum vulgus, cui ut superstitione nihil facilius est, quam imponi, in Religione præsertim, & ab iis, quibus ob pietatis & doctrinæ opinionem, scq; suaque omnia credit. Excipio & plerosque alios cuiuscunque ordinis homines, qui in aliis rebus satis perspicaces, ingeniosi & eruditi, in hac tamen aut planè cæctiunt, aut non valde sapiunt, aut sibi suisque rebus metuunt, aut potentiorum virorum quibus addicti sunt, & à quibus omnino pendent, auctoritate permoti, in quamcumque illi volunt sententiam ac viâ rapiuntur. At huius coniurationis, Principes, Regiæ ex authorationis & occisionis duces, vnam vindictam & crudelitatem ex infimo pectore anheiant, dominationem solam expectant, rerum potiri volunt. Alioqui Regis, qui fuit omnium penè Catholicorum Coryphæus & antesignanus, caput petendum minimè fuit.

Fuerit tamē aut Hæreticus, aut Hæreticorum amicus & popularis. Ideo-

ne à regni gubernaculis tam indignè  
deiici, & quod grauius, atq; indignius  
est, vita etiam ipsa priuari tam perfidè  
crueliterque debuit? Ergo egregij isti  
**Catholici, & Catholicæ scilicet Reli-**  
**gionis patroni, custodes & defensores,**  
vnum tantum ærarium, vnum sce-  
ptrum, vnum diadema venantur & ca-  
ptant. Quod quidem, si tu, lector, ve-  
rum esse, vt est certe verissimum, cre-  
dis, næ miraberis nostrorum hominū  
aut cæcitatem, aut stuporem, aut con-  
tumaciam, qui neque hęc videant ne-  
que his moueantur, neq; ad sanā men-  
tem se conuertant. Verùm multò ma-  
gis miraberis istius cędis factę modum  
& ministrum. Dominicanus enim qui-  
dam, non Domini quidem nostri, sed  
sui illius Dominicī, & Sathanæ admi-  
nister, obseruantia, officij ac fidei, quā  
oratione, gestuque & habitu simula-  
bat, specie, teterimū hoc facinus an-  
tea meditatum, gladio, in imum Regis  
nihil tale aut cogitantis, aut à tam reli-  
gioso viro sibi metuentis, ventrē ad  
acto, patrauit. Sed quid dixi, miraberis!  
Imò verò nihil est, quòd hīc mireris,  
cū ciusmodivrorum oratio, doctrina,  
gestus, habitus, vultus, professio, vita,  
deni.

denique tota nihil aliud sit , quām va-  
na, quædam species, fucus, color, præ-  
stigia , fraus , & mera simulatio . An-  
non, pie lector, huiusc facinoris atro-  
citatem, parricidæ istius proditionem ,  
& nefariam quorundam perfidiam , ac  
perduellionem exhorrescis ? Regis ve-  
rò nostri post tot acerbitates & indi-  
gnitates, vicem tam luctuosam, casum  
tam iniquum , mortem tam immanem  
nonne miseraris ? Quòd si nihil aliud  
potes, votis certè & precibus vñà cùm  
bonis omnibus à Deo efflagita , vt tam  
atrox , tam perfidum , & crudele faci-  
nus grauissimis , & tanto sceleri debi-  
tis pœnis vlciscatur . Evidem , quod  
ad me attinet, brevi spero fore, neq; id  
solum , sed etiam ( dicam apertè ) exo-  
pto, vt Deus ille noster iustus , & scele-  
rum & sceleratorum vindicta nefarios  
istos Catilinas tot bellorum, tantarum-  
que calamitatum autores, itemq; reli-  
quos ipsorum audaciae satellites, & ad-  
ministros, incendiarios, perduelles in-  
festissimos , carnifices bonorum , Dei  
gloriae hostes , tranquillitatis publicæ  
inimicos, latrones Galliæ, euersores  
pietatis , iustitiae profligatores , scele-  
rum fœdere inter se ac impia societate

coniunctos (nisi iamiam resipiscant,  
& à suo, tam impio funestoq; incœpto  
desistat) æternis supplicijs, viuos, mor-  
tuosq; macctare velit. Hanc mihi præ-  
terea spem injciunt pietas & iustitia,  
quæ stant à nostris partibus, & quibus  
præcipue nitimur: tum pietatis ac iu-  
stitia amantes ac propugnatores acer-  
rimi fidelissimique, pia illa heroina &  
**Angliæ Regina Elizabetha**: Germa-  
ni Principes huiusc Regni amantissi-  
mi, nobiles item, & fortissimi equites:  
tum Heluetij fide, & fortitudine exi-  
mij: Adhæc Galliæ præsidium & de-  
cus, secundūm Deum Borbonij Prin-  
cipes: atq; non pauci singularis fidei,  
& virtutis, Gallici duces, Comites, Vi-  
cecomites, Barones, Trib. mil. Patri-  
cij, Nobiles, Equites, veterani milites,  
pubes Gallica, Aquitaniæ, & Occita-  
niæ robur, &, qui vnum instar horum  
omnium est, aut certè, qui heroicis &  
Imperatorijs, summo, Augustoq; Mo-  
narcha dignissimis artibus, ac virtuti-  
bus, cæteris omnibus prælucet, & citra  
controuersiam inuidiamque præstat,  
Galliæ & Nauarræ (perduellibus, li-  
cet inuitis, & pro virili reluctanti-  
bus, singulari tamen Dei prouidentia)

Rex

Rex Henricus. Quidquāris? Deus i-  
pse Opt. Max, qui & hanc illicelfissi-  
mam dignitatis, atq; amplitudinis se-  
dem dedit, & nobis hæc otia fecit. Et  
ille quidem Rex noster præterquam  
quod egregijs suis virtutibus & tota  
anteacta vita, summa de se omnia spe-  
rare iubet, idipsum etiam suis ad Mon-  
tis Belligardi Comitem literis, atque  
grauissimo illo iureiurando apud Gal-  
liæ Principes, Proceres, mil. Trib. &  
nobilissimos aliquot viros habito, idi-  
psum apertè confirmat: quo nimirum  
omnia veri Principis, & optimi Regis  
munia se prestaturum, & eos, qui se ne-  
fario defuncti Regis parricidio impiè  
obstrinxerūt, grauissimè vlturum pol-  
licetur. Illi verò nostri Principes, O-  
ptimates:clarissimi viri, Duces & reli-  
qui omnes Henricum illum quartum,  
legitimum suum Regem uno animo at-  
que vna voce agnoscunt, faustis ac-  
clamationibus eum salutant, comple-  
ctuntur, comprobant: illi bene omi-  
nantur, læta & prospera omnia precan-  
tur, & optant, Regni gubernacula tra-  
dunt: quinetiam illi pia conspiratione  
summoque consensu assentiuntur ac  
spondent, præter cultum & obseruan-  
tiam.

tiam ipsi debitam, se ad Regiae cædis vltionem, atque eorum omnium, qui de regno occupando, & bonorum omnium exitio cogitant, atq; ad id iniquissimis, & sceleratissimis artibus grassatur, perniciem, omnes suas facultates, vitamq; adeò ipsam profusuros. Quod quidem Generosum, & verè Francicum Consilium, quia visum etiam est dignum, quod Principibus populisque externis aperiretur, Latinè quoque vñacum Henrici tertij, & quarti ad Motis Belligardi Comitem literis, conuerti. Et quoniam hanc Regis nostri, Principum, Procerum, Nobilium, Regijque exercitus confederationem, non paucæ cis Ligerim vrbes imitatæ sunt: sed præcipue clarissima Lingonarum nostrarum ciuitas, cum ab huius postremi belli initio, tum ab Henrici tertij obitu maxime, quanquam à principibus summisq; viris ad defectionem, & ad istam coniurationis societatem sollicitata, in officio cōstantissimè permanit, huius Regis nostri maiestatem agnoscens, defunctietiam vltionem se pro virili parte persequuturam pollicens: ut suis ad Ducem Lotharingum literis, quibus piè admodùm & fortiter illum

illum ad vindicandam Regis mortem  
hortantur (qua de re ille nullum qui-  
dem verbum in suis ad eos literis, vt  
debuit, fecerat) &, suo etiam illo scri-  
pto confirmat: Ego tam admirabile ra-  
ræ fidei monumentum latine quoque à  
me versum superioribus scriptis ad-  
iunxi, vt hac tantula opera patriæ meæ  
de sua illa adeo insigni & posteritati  
meritissimò prodenda fide atque con-  
stantia nonnihil gratuler, & cæteras  
vrbestotopectore, adhortor, vt memo-  
rabile fidelissimæ illius ciuitatis exem-  
plum sibi ad imitandum proponant.  
Quod quidem si fieret, proculdubio  
coniuratorum nostrorum & animicō-  
ciderent, viresq; valde multūm ener-  
uarentur, & ciuium animis compositis,  
rebusque, & vrbibus maiestatis Regiæ  
ditioni & imperio subiectis, Gallia  
nostra à tot ac tantis, quibus tamque  
diu, tamq; miserè diuexata est, malis a-  
liquantum recreata, paulatim pristinæ  
suæ dignitati, ac fælicitati restituere-  
tur, & in dies, magisque ac magis flore-  
ret. Agite igitur & ciues, & ciuitates,  
& vrbes & vici deniq; omnes, vos an-  
tiquæ fidei virtutisque memores, atq;  
tot cladibus datis & acceptis pruden-  
tiores

tiores effecti, iam tandem expergisci-  
mini, ac tam diris factionibus, perni-  
ciosisque factiosis vale dicto, ad ve-  
strum officium nimium diu interru-  
ptum vos ipsi reuocate. Et vos me  
Lingoniæ, quarum egregium facinus  
immortalis gloria manet, satisque &  
sæpè & dignè prædicare non possum,  
in fide & officio perstate, & quæ ma-  
gno animo pollicitæ estis, liberaliter  
præstate: illudq; habetote, vos, præter  
laudem, quam vos hinc maximam &  
certissimam consequemini, amplissi-  
mis quoq; præmijs & honoribus à ma-  
gnificentissimo & honorificentissimo  
Rege affectum iri. Sed patriæ studium  
& amor, paulò me longius à proposito  
desflexit: vbis si qua paulò liberiùs dicta  
cuiquam videbuntur, ea velim pro suo  
candore & pietate, si modò est pius &  
candidus, tum rei indignitati, tum iu-  
sto meo dolori, & in patriam Regemq;  
meum pietati condonet. Tu verò, le-  
ctor, cui hæc libenter exarauimus &  
dicauimus, hunc qualemq; cona-  
tum boni consules. Nec verò mea, qui  
ab interpretis officio & munere suis  
numeris & partibus expleto, longissi-  
mè absum, verba numerabis, verbo-  
rumue

rumue strūcturam accuratiū exuti-  
es, sed rem præcipue ipsam æstimabis,  
momentoq; suo ponderabis: Atq; Re-  
gis mentem, fidem, pietatemque verè  
**Christianam, Gallicam & Regiam**, illi-  
us professioni, generi & maiestati con-  
uenientissimam, quę in his scriptis ma-  
nifestè eluent, & ex tota illius vita  
verè efflorescunt, admirabere ac præ-  
dicabis: nec non à Deo Regum Regno-  
rumque propugnatore ac patrono, tu  
mecum ex animo petes, vt Regis tam  
pij generosique consilia & actiones o-  
mnes ad sui nominis gloriam, ad Eccle-  
siæ instaurationem, ad Galliæ etiam  
nostræ tranquillitatem, salutem & am-  
plitudinem diutissimè felicissimeque  
conseruet. Sedani è Musæo no-

stro, 4. Die Septembr.

1589. Vale.

**R E X**

# REX NAVARRAE.

VS AD TRES GALLICI REGNI

ordines super ijs quæ à 23. Decemb.

1588. in Gallia conti-

gerunt.

  
V m ipse mecum recolo, (viri  
clarissimi) me ab hinc quadri-  
ennium earum, quæ in Gallijs  
excitatæ sunt, tragediarum argumen-  
tum fuisse, finitimorum fabulam, ar-  
morum ciuilium hypothesim ac mate-  
riam, atque ab hisce armis enatam ma-  
lorum iliadem : Cùm rerum futura-  
rum specie, & spe, tam à Gallorum co-  
gitatione, quam à mea ipsius volunta-  
te aliena, sexcentas huic regno calamiti-  
tates ipsa re illatas esse : atque ex vana  
quadam animisque ficta, meæ in Rega-  
lem dignitatem successionis opinione,  
iniquissimam regni usurpationem de-  
signatam machinatamque esse consi-  
dero : Cum his oculis, quos mihi Deus  
præcipue dedit, vt in patriæ salute semi-  
per defixos, ad ipsius etiam mala semi-  
per intentos habeam, eam furoris ciui-  
lis incendio conflagrantem, præcipuas  
illius columnas iam exustas, & clarissi-  
mas quasque ciuitates cruore & flam-  
ma

ma funditus deletas, summo meo dolore  
videre cogor: & quod multò est gra-  
uius ad extingendum & oppri-  
endum illius incendium, aquam non mo-  
dò non adferre, aut opis, ad id quod in-  
tegrum ac saluum superest, conseruan-  
dum aliquid dare, ( vt vehementer cu-  
piò, idque utinam præstissem, vele ca-  
lege, ne amplius inter viuos numera-  
rer ) sed me adeò cogi etiè inuitissi-  
mum faces illi ardentes inferre: atque  
meam defensionem reddere tam pro-  
pemodum grauem, quam importuna  
& infesta est eorum violentia, qui me-  
am dignitatem vitamq; ipsam imme-  
ritissimò petunt: Cùm, inquam, hæ co-  
mnia recordor, & mecum ipse reputo,  
aut ego sum stupidorum omnium, qui  
vnquam fuerunt, longè stupidissimus,  
aut in publicæ fortis consideratione,  
millies animus meus die patiatur ne-  
cessè esse eas pœnas, angores, tormenta,  
quæ mille pœnæ, mille angores, mille  
tormenta æquare vix possint: præser-  
tim, cum harum omnium calamitatum  
me à sceleratis prætextum, ab imperi-  
tis causam & appellari & existimari in-  
telligo: quinetiam carum occasionem  
ipse quodammodo me esse agnosco &

B

præ-

prædico: quanquam tamen tanti mali  
inuidiam falso mihi impositam verè  
deprecari & auertere à me possim. Sed  
ad me quòd attinet, quandoquidem ea  
mea fors fuit, ut tam misero tamq; pu-  
blicæ rei funesto tempore nascerer,  
cùm ipse mihi subijcio, quid Deus Opt.  
Max. in nouissimi huius belli princi-  
pio, medio ac progressu mea causa pre-  
stiterit, quot & quanta huius, ( quam  
tuendam suscepi ) causæ æquitatis atq;  
innocentia meæ testimonia dederit,  
idque non in Gallia tantum sed apud  
exteras etiam nationes: non in amico-  
rum solum animis, sed in ore quoq; ac  
sermone eorum, qui amici non erant:  
non in vulgi duntaxat opinione, sed  
( huius rei testis est ipse Deus ) in inti-  
mo animi Regis ipsius sensu, quā mul-  
tis item modis, & indicijs ille ipse De-  
us comprobavit se non mediocrem mei  
curam habere, quem, videlicet, saluum  
& incolumem aduersus eas vires, qui  
bus nullis meis viribus resisti posse vi-  
deretur, mirandum sanè in modum cō-  
seruarit: equidem si alius essem atque  
ego sum, tam mihi incunda esset priua-  
tæ meæ conditionis gratulatio, quām  
publicæ recordatio iniucunda est. Ego  
verò

verò , lectissimi viri , facere id nullo  
modo possum: nunquam mihi prior po-  
tiorque erit mea , quām patriæ ratio:  
illius utilitas quām mea mihi perpetuò  
antiquior erit & carior: semperque id  
efficiam , vt mea ipsius mala , damna &  
vexationes patriæ damnis ac calamita-  
tibus opponantur ac præcurrant. At  
illud saltem solatium quo in maximo  
meo dolore vtor , non possum tacitus  
omnino præterire , quod oblata qua-  
cunque occasione , tum actionibus , tum  
verbis , tum scriptis meis omnibus te-  
stificatus sim , quanta me molestia & so-  
licitudine afficerent , illæ procellæ ac  
tempestates , quibus nos velis remisq;  
ipos obiectum procul dubio ibamus ,  
nisi præteriorum naufragiorum exé-  
plis cautiores in posterum fieremus. Id  
vestrum neminem fugit , ipseque mihi  
persuadeo nullum iam existere , ita im-  
potentem & suis indulgentem affecti-  
bus , qui hoc mihi testimonium dene-  
get. Quod quidem tanto me opere con-  
solatur , vt nihil omnino aliud (exce-  
pta huius causæ bonitate & æquitate )  
Dei in me iram magis sedasse , nihil e-  
um quicquam magis quām vnum illud  
ad me tutandum seruandumque com-

mouisse credam. Quod si illi ipsi Deo  
visum fuisset, & Regis & vestrum et-  
iam animum sic afficere, ut in ordinum  
conuentus, qui a delegatis quibusdam  
viris coram ipsius maiestate Blesis ce-  
lebrati sunt, arcessitus fuisset (id quod  
meo sane iudicio factum oportuit) mi-  
hi que bona Regis & vestra omnium ve-  
nia licuisset, quae de Rep. sentirem co-  
ram disputare: Ego vero subiecisse  
vobis & confirmasse non habere me  
solum aut cogitationem in animo, aut  
verbain ore, sed efficiendi quoque fa-  
cultatem in manibus: nihilque me vo-  
bis proponere vanum & futile, &, de  
quo varie multumq; disputandum es-  
set: nullam item me animi propositio-  
nem in medium proferre certis cir-  
cumscriptam conditionibus: nulla de-  
nique speciosa & magnifica verba ef-  
fundere, quibus ipse interim teneri  
nolim. Contrà, pia clara & utilissima  
consilia meditari, quibus meum, sum-  
mum ad Regis splendorem atque regni  
amplitudinem animum studiumq; sim,  
quantum quidem in me erit, testatu-  
rus, etiam cum certissimo meae digni-  
tatis & vita quoque ipsius dispendio.  
Cum vero eodem mecum animo affe-  
ctos

et os esse omnes intellexero, nihil erit  
tum mecum articulatè paciscendum,  
nihil accuratius cauendum & sancien-  
dum: optimæ mentis conscientia mihi  
hoc satis confirmante, nihil aliud ad  
hos tumultus componēdos, durum me  
ac difficilē reddidisse, præter vnius cō-  
scientiæ, meque dignitatis rationem.  
Verum enim uero quando id præter-  
missum fuit (& aliquando fortasse hoc  
Gallia nostra in suis erratis ac delictis  
annumerabit, cum ad grauissimū mor-  
bum depellendum nullus præstantior  
medicus adhiberi possit, quam qui æ-  
grotum animo carum habeat) hoce ego  
sætem vobis iam tandem declaratum  
compertumque volo, quod & mei offi-  
cij esse puto, & ad Dei cultum, ad Re-  
gis, summi mei Principis obseruantia-  
m, nec non ad totius regni emolumé-  
tum maxime pertinere arbitror: quo  
omnes sceptro regio subiecti planè id  
intelligent. Atque (vt hīc fidem me-  
am liberasse videar) consilium meum  
& ex consilio meam simul innocentia-  
m perspectam habeant. Ego rerum  
mearum statum vobis primū ante o-  
culos constituam, neq; id tamen vt de  
me aliquid glorier (quoties enim id fe-

cero , torties me Deus ipse deprimet )  
neq; vt vobis videar è superiore , quod  
aiunt , loco verba facere tanquam re-  
rum omnium potitus ( ille ipse Deus  
nouit , in quo totus acquiescam , in quo  
præcipue spem omnem meam repo-  
nam , quo etiam nitar & omnino con-  
fidam ) sed potius vt duo vobis propo-  
nam : primùm luctuosam horum mife-  
rorum bellorum sortem : quantò supe-  
rior fuerit hostium aduersum me con-  
ditio : quot quantisq; copijs in me in-  
uaserint , quid tandem profecerint : vt  
vos affectibus vacui saltem iudicetis ,  
Deum vnum aduersus tot , tantasque  
vires sartum me testumque non con-  
seruasse sine miraculo quodam : Hoc  
autem miraculum minimè futurum  
fuisse , nisi à meis partibus starent in-  
nocentia , causæ æquitas atque iusti-  
tia .

Deinde vt vosmetipsi statuatis , v-  
trum quæ dico timore perculsus di-  
cam , an causa aliqua sit , quare oratio-  
nis blanditijs & insinuatione qua-  
dam vti cogar , acerbioris scilicet  
quam sum antea passus poenæ metu-  
an sola exitij mei cogitatio animum  
meum

meum inflebat, an contrà id efficiat  
verus calamitatum patriæ sensus: pa-  
cis studium & Galliæ dignitas ac fa-  
lus. Thrasonem certè quidem alte-  
rum præter decorum agere viderer, si  
quales exercitus quatuor abhinc annis  
aduersus me comparati sint, vobis or-  
dine ac singillatim recenserem: Ex-  
istimaretis profectò mea me præclara,  
facinora ostentare velle. Ne id verò  
existimate. Non est hoc mihi propo-  
situm. Atque utinam Dux nunquam  
fuissem, quando tyrocinium meum  
tanto Republicæ detrimento & cala-  
mitate constare debuit. Breuius au-  
tem fecero, & ad rem ipsam accom-  
modatius, si à vobis quæram quos  
iam Gallia ductores ex ijs qui aduer-  
sus me missi sunt, reliquos & super-  
stites habeat. Intra quatuor annos  
ego decem exercitus, Regis item  
legatos decem vidi, eosque Regni  
in toto Christiano orbe florentissi-  
mi, ac potentissimi viribus & opis  
bus instructos. Si hoc à me glorio-  
læ cuiusdam captandæ gratia dici ex-  
istimat, erratis. Nam ut istam o-  
pinionem ex animis vestris euellam,  
exdecem illis conscriptis exercitibus

cum vno tantum verè mihi res fuit,  
quem collatis signis aggressus profli-  
gaui. Et in eo quidem nominatim Deus  
mea opera ad ipsius perniciem uti vo-  
luit. At in reliquis omnibus fundēdis,  
nihil ferè laboravi, nihil egi; Illi ipsi  
per se ac sua mole conciderunt prius  
atq; euauerunt, quām in meum con-  
spicuum venerint, eodemque pœnæ  
tempore illos tum collectos, tum dissi-  
patos intellexi. Angelus ipse, virga il-  
ladiuina lēdendi mei potestatem illis  
ademit. Non sum is, cuius virtuti ac  
meritis rei tantæ gloria accepta feren-  
da sit, cùm nihil operæ viriumq; mea-  
rum ad eam contulerim. At enim quid  
tandem ab illis re ipsa effectum est? Id  
verò quæritote de vestris illis delega-  
tis comitalibus, earum prouinciarum  
incolis, in quibus piij viri religionis  
ergo profugi, locum perfugij ali-  
quem habent. Considerate, amabo,  
quo in statu ante hæc bella illi essent,  
& in quo iam sint: ac facilè inde colli-  
getis, quidnam profuerit à quatuor hi-  
scæ annis decies centies mille hominū  
in hoc ciuili furore desideratorū hor-  
ribilis strages: aurifodina in tam im-  
manes & prodigiosos bellorū sumptus  
exhau-

exhausta: Regni totius Gallici labes &  
ruina: cui pænè omnes faciliùs assensi  
sunt, quām si de ipsorum Ottomano-  
rum profligatione, & clade, aut de ad-  
iungendis huic regno omnibus Chri-  
stiani orbis regnis ageretur. His dili-  
genter ponderatis, fierialiter non po-  
test, quin animis vehementer afficia-  
mini, atque animaduertatis hoceſſe o-  
pus causæ extraordinariæ plane extra-  
ordinarium. Atque hīc vobis profite-  
bor quemadmodum harum rerum co-  
gitatio vestros oculos atque manus  
tantisper continere debet, vt sic apud  
vos statuatis, ſi cum Deo pugnetis, vos  
frustra pugnare: Sic mihi quoque ipſi  
manus ad Deum supplices tendendas  
effe, vt caueam diligēter ne hisce pro-  
ſperitatibus rebusque ſecundis turge-  
ſcam & efferar, ſed earum cauſam ad il-  
lum potiū vnum referam, perſuaſum  
hoc penitus habens, ſi aliter facerem,  
Deum oculos ſuos aliò conuercrum,  
& per duos menses plus accessionis &  
emolumenti hostibus meis aduersus  
me daturum, quām beneficij à quatuor  
annis & incrementi mihi aduersus ho-  
ſtes meos dederit. Ego verò illius be-  
nignitate confiſus, id me nunquam ad-

missurum spero : & idcircò cupio vt  
hæc mihi scripta in toto terrarum or-  
be personent ac denuncient , me ad  
pacem tranquillitatemque huius Re-  
gni , meamque ipsius , à Rege Principe  
meo petendam , & què nunc atque an-  
tea vnquam affectum paratumque es-  
se . Evidem horum bellorum initiò ,  
rationem meæ conscientiæ , & digni-  
tatis habui . eamque vt integrum ac in-  
uiolatam mihi per Regem seruare li-  
ceret , illi perquām summissè semper  
totoque pectore supplicaui . Bella au-  
tem vt nihil mihi de ea voluntate de-  
traxerunt , sic nihil etiam addiderunt ,  
quo fretus me difficilem & implacabi-  
lem reddam : Id ergo suppliciter & de-  
missè eū obtestor atq; obsecro . Quòd  
autem , viri egregij . ad vos attinet , exi-  
stimo certè si cum ametis , si dignitatē  
illius & amplitudinē , regniq; toti⁹ sta-  
tum curæ cōmendatio niq; habetis , si  
illius calamitates nostis , earūq; reme-  
dia : debuisse iis qui vestro nomine co-  
mitiis illis interfuerunt , præcipere , vt  
suas propositiones ac conclusiones , &  
hinc inirēt , & hīc finirent : Illud adhuc  
ipsum vos summopere rogo & obte-  
stor . Mihi quidem dubiū non est , quin  
**Catholicum** hoc axioma in suis illis  
com;

cōmentariis inseruerint, in vno regno  
vni tanti Religioni locū esse, atq; Re-  
gnī fundamentū pietatē esse, quæ ibi  
esse non possit, vbi Deus varioritu &  
proinde perperam colatur. Id vobis al-  
sentior: ita planè se res habet & maxi-  
mo meo dolore. Video equidem per-  
multos qui ea de revno ore cōqueran-  
tur: at qui remedium illi adhibere cu-  
rent, per paucos video. Ego autem & quis-  
simas sē per conditiones proposui atq;  
etiam nū propono. Visitatas ac tritas in  
rebus eiusmodi vias psequamur: si qua  
sunt extraordinariæ, eæ vero indagen-  
tur. Et ego & oēs qui puriorē mecum  
Religionē profitentur, Concilij liberi  
sententiæ ac decretis semper subscri-  
bemus. Ea vera via est eaq; sola, quā oī  
memoria Maiores nostri eius rei tritā  
reliqrunt. Illius oīno decretis & stabi-  
mus & cademus. At in aīmum suū in-  
ducere eam cōlensionē à nobis extor-  
queri armis posse, id sanè (ita me Deus  
amet) fieri nō posse existimo. Et quidē  
euentus ipse, quām verē hoc dicā, satis  
testatur ac comprobatur. Quamuis con-  
scientiæ meæ rationem nullam ha-  
buisse. famē certē ac dignitatis, vt ita  
dicā, cōsideratio inde me deterruisset.

An-

Annō est hoc planē inauditum, cædem  
vlli naturā Turcæ aut Pagano inten-  
tatiā vñquam fuisse, intentatam, in-  
quam, Religionis nomine, priusquam  
tentatum fuerit, an is ad verum Dei  
cultum conuerti possit? Et tamen ar-  
bitror, inimicorum meorum infestif-  
simocuique non videri me à Dei metu,  
cognitione, cultuque alieniorem esse,  
quām Turcam. Nihilominūs tamen  
seuerius multò & crudeliūs mecum,  
quām cum Barbaro illo agi solet. Ec-  
quid, rogo, de me sentirent ac prædi-  
carent ij qui Religioni Catholicæ ma-  
ximè omnium adstricti sunt, si vita à  
me vno modo rituque ad trigesimam  
vsque annum acta viderent, me subitò  
à mea illa Religione deficere, vnius  
scilicet Regni expectatione? Quid di-  
cerent ij, qui me fortem & constantem  
haetenus viderunt ac senserunt, si me-  
tu fractus & debilitatus turpiter eiu-  
rarem eam colendi Dei rationem, quā  
ab incunabulis ipsis sum amplexatus?  
Hęc sunt argumenta, quæ ad honorem  
externum ac popularem pertinent. At  
si rem ipsam benè penitus inspici-  
amus, quæ conscientia hęc erit, quæ  
pietas & fides, cum qui ad certam Re-  
ligio-

ligionis professionem ab ineunte etate  
educatus , institutus atq; eue&us fue-  
rit, causa & indicta & inaudita dere-  
pente ad contrariam partem descisce-  
re ? Nunquam vero clarissimi viri,  
nunquam certe Rex Nauarræus eò ad-  
duci poterit , etiam si triginta Diade-  
mata premij loco illi tum certatim o-  
stententur, tum certò offerantur : ne-  
dum vnius tantum spe id cogitet in a-  
nimoque habeat. At facile ut insti-  
tuar. Non sum pertinax. Erudiendi  
viam capessite: incredibiliter promo-  
uebitis. Nam si præter eam cui sum  
addictus , veritatis viam , aliam mihi  
monstraueritis, eam insistam. Faciam  
& id amplius, quod ex tam multis mea-  
rum partium hominibus, ne vnu qui-  
dem, opinor, relinquam, quin me du-  
cem lubens sequatur. Praclarus certe  
fructus à vobis ille erit & insignis , in  
mea vnius salute tot hominum myria-  
das Deo lucrifacere & ad Christi im-  
perium adiungere. At nudis verbis vel-  
le nobis satisfacere & nullis adductis  
rationibus vobis persuadere nos ad v-  
num copiarum aspectum percelli de-  
bere , an id sit rationi consentaneum,  
vos, o viri Egregij, ipsi videbitis. Sed

hæc

hæc missa iam faciamus. Si meæ duntaxat saluti consultum vultis, vobis gratiam habeo : si verò Religionis meæ rationem mutari, nullam aliam ob causam desideratis, nisi quod metuitis ne aliquando vos ad idem vitæ genus in uitos compellam, erratis. Meæ actio-nes, vestræ isti suspicioni repugnant. Viuendi genus quo & cum amicis & cum inimicis tūm domi, tūm militię vtor, satis multa meianimi & ingenij documenta præbet: vrbes quas teneo, & quas non ita pridem occupauit, eius rei fidem vobis facient. Non est sanè verisimile paruam hominum meæ Religionis manum posse infinitam Catholicorum multitudinem ad id amplectendum cogere, ad quod infinita hæc multitudo paruam illam manum cogere non potuerit. Quòd si hanc tam grauē causam tantillis instructus copiis tamdiu sustinui ac propugnaui: quid igitur ab iis expectandum esset, qui tot tantisque opibus ac viribus armati se potentissimos meis conatibus adeò infirmis opponerent? Nihil profectò nec iudicij nec prudentiæ in hac rei gerendæ ratione inesse videretur. At idiam non agitur. Non sum enim

eo loco, vt de vobis vel benè vel male  
mereri, Deo ita volente, possim. Illus  
ipsius benignitate fretus, id nec ego  
vnquam tentabo, nec vos vnquam ex-  
periemini. Nempe mihi serio de morte  
cogitandū erit, cùm Rex ille noster æ-  
tate confectus diē extremū obibit. De  
rerū igitur futurarū, quæ à nobis lōgē  
remotæ sunt, euentu, ne adeò labore-  
mus, vt præsentes, quæ magis vrgent &  
maxime nostra intersunt, negligamus.  
Deus eorum oīum, qui in Gallico statu-  
res nouas moliri poterant, confilia pe-  
nitus aperuit: mea quoq; ille ipse oībus  
patefecit & illustrauit: Atque ita planè  
vt nulli vestrū, totius etiā Galliæ nulli  
ea lateant, & obscurā sint. Annō mīse-  
rū & hoc dolēdum est, neminē esse cu-  
iuscunq; vel fortis vel ætatis hominē,  
qui tantū malū nō videat, quiarma hęc  
non detestetur, clamoreq; ac conuictis  
psequatur, qui ea nō appellitet febrim  
continuam, ac publico statui funestam:  
Nullū tamē hacten⁹ extitisse qui vel hi-  
scere voluerit ad remedij aliqd huic tā  
graui malo adferendū! Nullū in toto il-  
lo Blefensi cœtu tantū animi habuisse,  
vt sit ausus sacrū illud Pacis nomē pro-  
ferre: Nomē, inquā, Pacis sacrosanctū

cuius

cuius effectu atq; obseruatione huius  
Regni amplitudo & salus continetur.  
Hoc ergo (viri clarissimi) habetote ad-  
mirabilem hanc & fatalē vācordiam  
certissimum esse omnium, quæ à Deo  
dantur, huius regni occasus atque in-  
teritus augurium. Totus hic status  
grauissimo iampridem morbo affli-  
ctatur: Id nullus non videt: ex omni-  
bus signis, tanti mali causa, & fons iu-  
dicatur bellum ciuile: Morbus profe-  
ctò pænè insanabilis, ex quo vix vn-  
quam vlla Respub. conualescere om-  
ninò & sanari potuit: aut si conualuit,  
si hæc apoplexia illam planè non op-  
pressit, afflixit, perdidit: At in Paraly-  
sim certè desiit, cum dimidij corporis  
pernicie. Ecquod autem remedium?  
Nullum sanè aliud, nisi pax, quæ in me-  
dio hoc regno politiam constituit, quæ  
politiæ beneficio, vires illi naturales  
restituit, quæ eiusdem politiæ opera &  
vi, contumaces ac prauos humores ex-  
pellit, corruptos purgat, eosq; succō,  
& sanguine incorrupto, nimirum re-  
etis cogitationibus, consiliisq; ac stu-  
diis saluberrimis replet: quæ denique  
vitam illius fouet. Illa igitur pax, pax,  
inquam, illa à Deo Opt. Max. summo

studio

Studio petenda est, quippe vnicum tam  
afflicti & deplorati status remedium,  
& sola illius certaque sanatio. Quia-  
liud remedium querit & adhibere co-  
gitat, non remedium querit, sed vene-  
num. Quamobrem vos omnes hoc scri-  
pto Catholicos, & oro, & obtestor, sine  
eos qui in debito Regi officio, ac fide  
persistiterunt. Siue eos qui ab ea defece-  
runt, vos omnes ego appello ut Fran-  
cios Francos. Ego vos imploro atq; ad-  
hortor, ut huius status misereamini &  
vestri etiam ipsorum, qui cuniculis il-  
lum & machinis suffodientes, nulla  
vñquam arte effugietis, quin eius rui-  
na obruamini. De me autem, etiam si  
vi me cogatis ea videre, pati & facere,  
quæ positis armis nec videre, nec pati,  
nec facere possim, quanquam mihi  
mors ipsa millies oppetenda sit. Vos  
tamen obtestor iterum ac deprecor,  
ut iam tandem exuatis miserum istud  
ac mortiferum studium consiliumque  
belli ac violentiæ, quæ clarissimum  
hoc & potentissimum regnum miser-  
rimè discerpunt ac dilacerant, quæ no-  
strum alios quidem inuitos ac repu-  
gnantes, alios autem perniciem volun-  
tarios à nostro in Regem officio di-

C strahunt,

strahunt, quæ nos mutuis ciuium vul-  
neribus ac cædibus cruentant, quæ  
nos iam toties externis deridēdos præ-  
buerunt, & tandem diripiendos at-  
que mancipandos etiam præbebunt:  
Vos, inquam, moneo & rogo, ut  
omnes acerbitates, similitates, atque  
odia deponatis. Pacis verò, concilia-  
tionis & confociationis, obedientiæ,  
ordinis ac concordiæ his bellis inter-  
ruptæ, studia consiliaq; repetatis, qui-  
bus minimæ quæque ciuitates maxima  
tandem imperia euadunt: quibus et-  
iam ipsis Francicum hoc Regnum ne-  
longè abeamus, tamdiu stetit ac flo-  
ruit, de Christianorum imperiis lon-  
gè primum ac potentissimum. Cæte-  
rum, quanquam ego sexcentas de tota  
Guisiorum gente conquerendi occa-  
siones priuatim habeam, Guisiorum,  
inquam, mihi propinquorum, & ita  
propinquorum sanè, ut excepto gene-  
ris Borbonij, vnde sum oriundus, co-  
gnomine, nullus vsquam propinquio-  
res habeam: quanquam etiam Gallia  
tota in vniuersum, plures quam ego  
grauioresque de iis ipsis conqueren-  
di occasiones habeat: D E V M ta-  
men ipsum testor, quantum animo ce-  
perim

perim dolorem , cum illos vidi *eam*  
fuisse ingressos viam , vnde animus  
mihi certō præsagiit , cum aliqua sui  
nominis laude & glorioſo fæliciique  
euentu nunquam egressuros . Ille ipſe  
D E V S mihi sit testis , cùm eos Re-  
giæ Maiestatis ministerio , vtiles ef-  
ſe atque opportunos nossem , (Ad-  
dam etiam meo ipſius , cum non me-  
diocri iis honori fit cognatione me  
attingere , quippe quos & loco & di-  
gnitate antecellam ) quantopere fuis-  
sem delectatus , si quas & multas &  
magnas corporis atque animi dotes  
à D E O & naturâ consequuti sunt ,  
illas ad eorum , quibus officium & ob-  
sequium debent , amplitudinem con-  
tulissent : cùm eos aliorum praua con-  
ſilia in contrariam partem impellant .

Et quidem cæteri omnes , præter  
me vnum , illorum calamitatem ride-  
rent , summaque voluptate afficeren-  
tur , si Regis indignationem , edicta  
atque arma ad exitium eorum conuer-  
ti viderent ; Ego verò id facere ne-  
queo , nec etiam facio , niſi quod ex  
duobus malis minus eligere cogar .  
Me igitur ipſe liberè primū compel-  
labo , deinde illos ipſos , vt nullā postea

excusationem adferre possimus: Neuter nosterum vi lo successu animos tollat. Ad me quidem quod attinet, et si in hoc postremo bello plus beneficij, & auxilij, quam in superioribus omnibus a Deo acceperim, cumque aliae duæ factiones (quæ malum ista est infelicitas, ut eas sic appellare oporteat?) plurimum debilitatæ sint: mea vero confirmata & aucta etiam esse videatur. Scio tamen, cum ab officio meo discedam, Deum non amplius præsentem ac propitium mihi futurum. A beo autem discedam, quando nulla graui iusta que de causa, sed vltro, & pro animi tantum libidine, meum illum Regem adoriar Regni quoque de illis omnino sentiendum, quia quatuor hisce annis præteritis armi paci prætulerunt, qui primi quietum hoc regnum mouerunt, & tertiam istam factionem Francorum nostrorum, atque auorum quoque suorum fide tantopere indignam excitauunt: cum Deus ex iis quæ nuper euenierunt, planè ostenderit, ea sibi minimè omnium grata esse, quæ illi moliti fuerunt. Cumque Regis animum ad

ad consuetam illam , & multis testi-  
moniis confirmatam clementiam  
commouerit, vt id suis quoque scri-  
ptis profitetur, conquiescant illi ali-  
quando: satis super quem aliorum nos  
omnes, tum intulimus, tum pertuli-  
mus. Totum quadriennium ebrij, in-  
sani, furiosi etiam fuimus: Anne hoc  
quidem satis est? Non sat is poenarum  
Deo adhuc dedimus, quotcunque, &  
quicunque etiam simus, vt ex nostro  
illo tam diuturno grauique veterno  
aliquando excitemur, ad saniorem  
mentem redeamus & nostras illas fu-  
rias comprimamus? Adhæc si mihi  
hoc licet, vt ego quippe summissus ac  
fidelissimus Regis subditus meam  
hac dere tota, neq; opinor, ineptam,  
aut absurdam sententiam aperiam,  
proponamque iis quos Rex in consi-  
lium adhibet: Ecquis, rogo, vnquam  
audiuit imperium ullum diu stare pos-  
se, in cuius venis ac visceribus duæ di-  
uersæ factio[n]es hæreant, ea[que] arma-  
tæ? Quid igitur hoc Regno fiet, vbi  
tres, tanto animi ardore & pertinacia  
conflictantur? Quanam ratione Regi  
persuaderi possit, vt bellum ciuile sus-  
cipiat, & eodem tempore aduersum

duos? Nullum quidem certè exemplum, nulla historia, nulla etiam ratio usquam extat, quæ inde felicem exitū illi polliceatur. Pacem faciat necesse est, eamque vniuersam, vna cum suis omnibus utriusque, tum partis tum Religionis ciuibus: aut, eos saltem colligat, sibiique reconciliet, qui à debito ipsi officio & cultu recesserint. Atque hīc, hīc quæso vnuusquisque de mea mente atque animo iudicet. Sic ego scilicet iniuriam pro beneficio rependo, sic etiam Regē in ciues suos, qui ad præclarām istam conspirationem se applicarunt & adiunixerunt inflammare cogito. Quanquam tamen hoc (virū præstantissimi) si cogitarem, & Regi in summas angustias adducto omnia mea officia & obsequia præstatem (id quod sanè, si mihi imperauerit, faciam) nemini vestrū dubium est, quin ego (quantum quidem de rebus humanis coniici sperarique potest) multa factiosorum istorum consilia conturbare atque inuertere, magna etiam ipsis negotia exhibere possum.

Nunc

Nuncomnes huiusc Regni ciues, qui nostrarum insaniarum & intemperiarum spectatores tantum fuerunt, appello: Appello & nostram nobilitatem, totum Sacerdotalem ordinem, nostras vrbes, populum etiam nostrum: cum iis mihi iam sermo esto.

Considerent enim & cernant animo, quod præcipites feramur: quid Gallia nostra fiet: quænam futura sit huius Regni facies, si huic malo nullus modus statuatur: quo loco & numero erit Nobilitas, si Gallici Regni administratio mutetur, ut proculdubio mutabitur, (& certè iam mutari videtis) si vrbes aduersariorum metu cogantur maioribus intra mœnia præfidiis ac duplicatis viribus se firmare, nullius cuiusquam imperium pati, & ex una Monarchia, plures Democratias, Heluetiorum more, & exemplo constitueret.

Nemo ciuiū, sanè quidē ita mihi persuadeo, eo animo est: Sed bellū nec sine meo dolore maximo, eos ad id tandem impellet. Iam nunc mali huius initia nasci videmus, primo quidem aspectu suauia, & specie blanda, qua optimus

& fidelissimus quisque ciuis fascinari  
se, & peruertere facile patietur. Quænam  
conditio urbes manet, cum specioso  
quodam, sed vano libertatis nomine,  
veterem splendidissimi atq; amplissi-  
mi huius status disciplinam ordinem-  
que subuerterint? Cum vniuersam  
Nobilitatem sibi infestam, Plebem in-  
uidam, simul & direptioni ac popula-  
tioni auditisimè inhiantem, quippe in  
ipsarum scriniis atque officinis ionu-  
meras opes, immensos etiam thesau-  
ros animo fingétem habuerint? Quid  
agem præcipui & clarissimi quique vi-  
ri, qui suas omnes dignitates & magi-  
stratus quos gerunt, siue in questorio  
ministerio, & in Aeratio, Fiscoq; Re-  
gio, siue in luce dicedo, aut in Politia  
Publicaq; rei administratione, aut in  
re militari ex Mōarchiæ statu obtinet,  
necnon potissimā domesticarū facul-  
tatū partē in pub. illis muneribus con-  
stituent? At id omne ipsis periit Mo-  
narchia. Quis liberū itē tutumq; illis  
commercium dabit? Quis eorum pos-  
sessiones, periculo in agris liberabit?  
Quis iustitiae authoritatem conserua-  
bit? Quænam erunt eorum decreta?  
Quis illorum exercitibus præficietur?

Quis,

Quis, ut semel dicam, o cæci miserique  
homines, in tanta rerum omnium per-  
turbatione ordo futurus est? Hic fu-  
ror, credo, vnum aut alterum etiam  
mensem vigere poterit: non aliter  
quam dicitur febris ægrotum ad tem-  
pus aliquod souere. At putare ullam  
societatis cōitionem atq; imperij for-  
mam, iracundia & vindictæ funda-  
mentis firmissimè inniti, diutissimeq;  
stare posse: id verò nullo prorsus pacto  
fieri potest, cùm nec vīsum, nec lectum  
vñquam sit, mutationem alicuius im-  
perij factam vñquam fuisse, sine vrbi-  
um quæ præcipuum sunt illius firma-  
mentum & robur, labe ac perniciè. Tu  
verò Popule, cùm Nobilitas tuæq; vr-  
bes in contrarias partes distractæ e-  
runt, quis tranquillitati atque otio re-  
lictus erit locus? Tu, inquam Popule,  
vberimum Regni horreum, huiuscē  
status fœcundus ager; cuius labor,  
Principibus cibum, sudor pótum, ar-  
tificia cultum, industria omne delicia-  
rum genus prolixè cumulatèque sup-  
peditant, ad quem tandem configies,  
cùm tua te nobilitas proteret & con-  
culcabit, cùm tuæ vrbes immanem pe-  
cuniā à te exigent? ad Regemne, qui

nec his, nec illis pro suo iure imperabit? Illius iustitiæ Consiliarij & Administri vbinam gentium tunc extabunt? Præsidium prouinciarum quæ tunc potestas? Vrbis præfectus quid juris & autoritatis in nobilitatem habebit? Inter Nobilitatis Principes quid tunc ordinis? Miseria, videlicet, confusio, vitæ perturbatio, magna vbiique calamitas. En bellorum nostrorum fructus! Nullo autem obliuionis vitio Ecclesiasticos prætereo, sed de ijs nominatim verba facere nolo, veritus, ne meam autoritatem defugiant, infestiorem me sibi aduersarium arbitrati, quam re vera sim. Enim uero, ut apertere dicam quod res est, longè maiorem de eiusmodi ordine, quam de duobus Franciæ reliquis conquerendi occasionem habeo. Sed id parui refert, cum intoto eorum grege multi sint minimè mali. Quod ad illorum verò professionem & religionem attinet, equidem nonnullis in capitibus sum illis contrarius, in nullo verò inimicus. At vna omnes mente, vnoque ore consentimus, cum in alijs quibusdam, tum in eo maximè, in quo de Ecclesiæ Gallianæ priuilegijs ac tributorum immunitate-

nitatibus à Pontificū usurpatione vindicandis agitur : vt cunque se res habeat , quanquam omnes in eos inuenient & inuadendi etiam cauſæ mihi non deſſent , eas tamen omnes communis concordia causa , & grauiſſima mei erga Regem publicamque utilitatem officij conſideratione adductus , voluntaria quadam obliuione conterem . Interim quid illi cogitant aut ſperant ? Bellumne facere , ſimulq; decimasoluere in ijs locis , in quibus plurimum poſſunt ? Esto , ita ſane . At in ijs in quibus autoritate & potentia valeo omnia ferè ex ipſorum bonis uſurpabo , eiq; usurpationi mederi nulla iam ratione poſſum , ſed temporis progressu , cùm omnia mutuis diſſenſionibus flagrabunt , qua ſe conditione fore putant ? Animum , rogo , aduertant , quò euadant noſtræ vrbes , noſtri populi , noſtra nobilitas , & cum animis ſuis etiam atque etiam reputent . Illi maximè quibus pietas commendationi eſt ( eſſe certè debet ) an aliquid ſit in rebus humanis , pietati & què contrarium atque vitia , morum deprauatio & immodica rerum omnium intemperantia . Ecquid vero ſit , quòd plura

gra-

grauioraque vitia maiorem deprava-  
tionem , atque intemperantiam effici-  
at , quām effrenata bellorum omnium  
licentia ? Hoc mihi præterea diligen-  
ter expendant iij , qui non alia vi a tan-  
tas opes , opibus tantis cumularunt at-  
que adauxerunt , quam pace , quām or-  
dinis conseruatione , quām obedientia  
priscis Regibus præstita , quām Reli-  
gione : quantō deteriori in posterum  
conditione futuri sint , bello , pertur-  
batione ordinis , impietate & seditio-  
sa ista contumacia , aut si ita mauis , cō-  
tumaci ista & funesta seditione . Sed  
enim compellatis speciatim singulis  
hoc etiam generatim addam : Si Dei be-  
neficio omnia Regis nostri consilia &  
actiones prosperè , vt spes est , proce-  
dant , isque omnes Regni factiosos ci-  
ues vincat & subigat , quanquam vi-  
ctor , miser tamen est , si ab ijs omnibus ,  
quas commeruere , pœnas repeatat !  
Quid enim ! maximam vrbium partem ,  
infinitum ciuium numerum pœnam e-  
rita , & debita multari ? Nimirum certè mi-  
serum hoc , acerbum & calamitosum  
etiam nimis hoc fuerit . Calamitas est ,  
furor est , quem Deus in hoc Regnum  
immittit , vt peccatis nostri plecta-  
mur ,

mur, sed hæc nobis obliuione delenda,  
hæc etiam condonanda sunt, nec gra-  
uius stomachandum cum nostris popu-  
lis & viribus, quām cum furioso, dum  
obuium quēlibet percutit, quām cum  
insano, dum nudo corpore vagatur &  
circumeursat. Quōd si ē contrario cō-  
jurati isti suas adeo vires confirmant,  
vt eas Regijs viribus obijciant & Re-  
gijs ipſi obfistant ( vt certe id facturi vi-  
dentur, valdeque metuo ne illius pa-  
tientia sit præcipuum illorum robur,  
Deo fortasse volente seuerius in nos  
animaduertere, adeò vt valdè dubium  
quidem sit ac incertum, quo tandem  
loco & ille ipſe & nos futuri simus.)  
Quid de Francis nostris dicemus? Quæ  
enim hæc est ignominia nostros Reges  
à nobis expulſos & fugatos esse? Ma-  
cula certe, qua nunquam Maiores no-  
stri nomen ſuum contaminarunt. Et  
qua potiſſimum laude reliquos omnes  
totius Christiani imperij clientes &  
ſubditos ſuperare longè videmur. At  
enim, annon iniquiſſima eſt hæc mea  
ſors & infœlicitas maxima, qui otio-  
ſus hæc omnia ſpectare cogat? Ad ar-  
ma ſum neceſſitate ſumma adactus: in  
quos ea iam conuertam? in Regemne?

Ad

At diuino instinctu afflatusque conci-  
tatus, meam ipse causam aduersus con-  
iuratos suscepit. Cur eos in extremam  
desperationem adducam! Cur ego qui  
pacē palati prædico & hortor, Regem  
aduersus eos irritem, & mearum copia-  
rum quæ illos tantopere angunt & sol-  
licitos habent, cogitatione, illi volun-  
tatem, his spē recōciliationis adimam?  
Et hoc est vnu quod me maxime angit.  
Nam si quietum & otiosum me specta-  
torem præbuero, illi qui iam non con-  
silijs solūm & studijs, sed armis etiam  
& castris dissident, aut redibunt ite-  
rum in gratiam, in mei meorumque o-  
mnium, quād poterunt perniciem, vt  
bis iam terue euenissememini, aut Re-  
gis vires ita debilitabunt, suas contrā  
ita confirmabunt, vt illo afflito & ia-  
cente parum admodum roboris atque  
animi futurum sit, ad impediendum,  
quo minus & ipse affligar & totus ia-  
ceam. Sic autem (Egregij viri) vo-  
biscum ago, quippe quos sciam, val-  
deque multum doleam; non eodem o-  
mnes animo studioque mecum affe-  
ctos esse. Edicta à Rege Principe meo  
promulgata, cùm alia, tūm postrema  
satis palam faciunt, ex comitialibus  
illis

illis delegatis , nonnullos , atque adeo plerosque omnes , certis quibusdam hominibus addictiores quam Regi ipsi fuisse . Quod si quid iudicij in vobis est , idem planè vobis quod mihi , persuasum erit , non me tantum , sed Regem etiam , deinde tertiam istam factionem , necnon vos ipsos , tum vniuersos tum singulos in summo rerum discrimine versari . Népe nos in eadem omnes domo , eaque valde ruinosa , sumus . Nos eadem nauui , quæ varijs agitata procellis à naufragio non longè abest , inclusi simul omnes , continemur : neque ullum restare tamen aliud remedium videtur nisi pax , quaetandem cunque aliud cōminiscamur & exquiramus . Quæ quidem cùm ita sint , egotum melior tum præstantior ( idēnī verè dicam ) tum grauioribus quam cæteri omnes iniurijs affectus , pacem nihilominus à Rege summo Principe , omnium nomine peto : qui alio quam omnium nomine pacem vel petierit , vel fecerit , is profecto pacem non reget nec petierit nec fecerit . Atque huius rei gratia profiteor me difficultem minus mororumque fore , vel millies , quam

fui

fui vnquam, si tamen vnquam fui. Ego  
posthac mea in Regem obedientia atq;  
obseruantia volo cæteris omnibus ad  
omnem officij & obsequij rationem e-  
xemplo esse. Cæterum ijs iam toties  
propositis à me atque expositis, quæ  
meierant officij, & nostræ quoque o-  
mnium vtilitatis, hoc tandem edictum  
volo, illis primum qui Regis partes se-  
quuntur, nisi huic sancto salutarique  
consilio assenserint ( non de bello qui-  
dem cum factiosis, cum Lotharingis,  
cum Parisiensibus, Aurelianensibus  
aut Tolosatibus gerendo, sed cum ijs,  
qui paci & debitæ Regi obedientiæ o-  
mni studio conatuque intercesserint )  
omnium calamitatum, quæ Regi & Re-  
gno inferentur, culpam in eos solos  
conferendam: Me verò ab hac culpa,  
non solum sed à mea etiā erga Regem,  
fide liberum omnino esse, à cuius vide-  
licet fama & capite omnem labem &  
periculum pro mea quidem parte iam  
depello, & in posterum etiam, velit no-  
lit, depellere conabor. Quantum au-  
tem ad eos attinet, qui istius coiuratio-  
nis ( quan specioso sacræ vunionis no-  
mine tegunt ac velant ) nomen adhuc  
causamque retinent: Ego illos ut Gal-

Ios Gallus ipse obtestor, atq; ijs etiam  
libenter imperarem: id enim pro meo  
iure posse videor apud eos, quibus ho-  
nor est, mihi cognatione coniunctos  
esse, & cuius imperia exequi, ipsorum  
etiam Patres in magni beneficij & gra-  
tiæ loco, certè scio, posuissent. Quòd si  
tamen eo modo ijs non imperem, faci-  
am saltem post Regem, vt primus Prin-  
ceps & primus Galliæ magistratus si-  
bi caueant & consulant: detrimentis  
suis & cladibus iam acceptis contenti,  
quiescant: priuatas suas rationes pub-  
licis post habeant: animi affectiones ac  
dolores, controuerbias, vltiones atque  
cupiditates honorum, & ambitiones  
suas, Galliæ Parentis suæ vtilitati, offi-  
cio Regi debito, & nostræ suæq; ipso-  
rum tranquillitati condonent. Si se-  
cūs fecerint, Deus, vt spero, Regis cti-  
ram non ita omnem abiciet, quin su-  
um illud tam præclarè coptum opus in  
eo perficiat; illique hanc mentem in-  
liciat, vt suos clementes & seruos, ad se  
breui arcessat & nre in primis qui nul-  
lum alium honorificentiorum titulum  
appeto. Atque ad eum hanc ob causam  
accedens, planè confido, satis me viri-  
tim & iuris habiturum ad opem illi fec-

rendam , ut factiosorum memoriam , &  
medio , & totam illorum factionem &  
Gallijs facilius feciliusque delere pos-  
sit. Postremo cum in hactam expre-  
sa & clara mei consilij institutique te-  
stificatione , quod mearum fuit parti-  
um , præstiterim : situm hos , cum illos  
animaduertero , vel ita languidos & in-  
erites , vel tam male erga Regem Re-  
gnumque animatos , ut eorum nemo  
commoueatur atque ad suum officium  
excitetur : Ego Deum actionum mea-  
rum , tum præteritarum testem & con-  
scium , tum futurarum adiutorem ac  
moderatorem appello : atque ut Regi  
prorsus addictus & deditus , animo ve-  
rè Gallus & primi Franciæ Principis  
honore , quo ornatus sum , dignus . De-  
um atq; homines obtestor , quanquam  
omnes & omnia ad huius regni perni-  
ciem coniunctis animis & armis con-  
spirauerint , me tamen vnum , etiam  
cum certissimo vitæ ipsius , atque adeo  
decies mille , si tot mihi à Deo datae es-  
sent , vitarum discrimine , tum perni-  
ciem illam à regno depellere , tu . n im-  
piam illam conspiracyem restinguere  
conaturum . Atq; omnes cuiuscun-  
que ordinis & conditionis homines qui  
quidem

quidem pio hoc patriæ liberandæ ser-  
uandæque desiderio tenebuntur, huc  
inuitò & appello, sperans, si mea con-  
filia Deo iuuante successerint, me quā-  
tum animi & fortitudinis ad rem susci-  
piendam edidero, tantum me fidelita-  
tis, post rei euentum, habiturum: Cùm  
scilicet meam Regi obedientiam. Pa-  
triæ officium, mihi ipsi tranquillita-  
tem & lætitiam vnâ cum bonorum o-  
mnium libertate reddidero. Cæterum  
tantisper dū Dei beneficio Regis um-  
mo meo Principi licuerit Regni sui ne-  
gotijs prouidere, atq; pacem, quæ tan-  
topere est necessaria, restituere: Ego  
qui hanc dignitatē sum consequutus  
vt primas sub illius imperio teneam,  
profiteor ac prædico, si illi absenti non  
possum tam egregiam operam nauare,  
vt eum toti suo Regno ac pristinæ di-  
gnitati planè restituam, saltem me ali-  
qua ex parte effecturum in ijs locis in  
quibus autoritate & viribus plus va-  
leo, vt illius dignitas atq; autoritas a-  
gnoscatur. Et quidem ea potissimum  
gratia omnes cuiuslibet ordinis, con-  
ditionis, & religionis, tum nobiles, tum  
oppidanos, eosque seu Ecclesiasticos  
seu plebeios, qui in tam præclaro qui-

dem, necessarioq; facinore efficiendo,  
suam voluntatem & operam ad meā  
aggregare atq; accommodare volent,  
in meā fidē clientelamq; recipio:  
nequaquam passurus, illorum siue cor-  
poribus, siue fortunis, ullum omnino  
iniuriam vel minimam fieri, aliterue  
cum ijsagi, quam in placidissima pace  
& ex Regni constitutionibus patrijsq;  
institutis agi consueuit. Quanquā au-  
tem ego præ cæteris omnibus cum a-  
cerbissimo animi sensu & dolore tan-  
tas in Religionē cōtrouersias videam,  
ipseq; aliorum omnium præcipuè vnuſ  
remedia exoptcm, agnoscens tamen ea  
non ab armis & violentia, sed à Deo v-  
no & expetenda & expectanda esse: a-  
pud eum palamq; testificor, & ad hanc  
testificationem confirmandam ac san-  
ciendam ego meā fidē & dignitatem  
(quas diuina gratia integras hactenus  
& illibatas conseruaui) propignore vo-  
bis tradō, quemadmodum non sum an-  
tea passus ullis me artibus aut viribus,  
ad aliam ab ea, quam huc sum usq; am-  
plexus Religionē adigi: sic etiam nec  
percessurū nec permisurū vñquam  
ut Catholicī præter volūtatem in Dei  
cultu quidquā admittere vel Religio-

nem

niem suā minus liberē exercere cogantur. Hoc præterea edico ac pro certo polliceor, nec consensurum, nec concessurum me in ijs vrbibus quæ consiliorum & studiorū societate coniuncte mecum fuerint atq; cōsenserint, quæque regiae ac meæ voluntati morigeras se præbuerint, vt quidquā prorsus immutetur, nec in politico statu nec in Ecclesiastico ritu, nisi quaten' priuata vniuersitatisq; libertas publica q; et rāquilitas & salus id requirere videbantur. Recipiens iterum in meam tutelam & præsidium, tum Catholicos ipsos, tum Catholicorum & Ecclesiasticorum maxime facultates, quippe à multis annis edoctus, & quod maius est expertus, Populos opinionū varietatibus distractos in pristinam concordiam, & ad eandem colendi Dei stabiliendæq; in uno imperio pietatis, rationem reducendi, viam hanc vnican esse & veram, nempe lenitatem, pacem, optimaq; pietatis & iustitiæ exempla: non autem bellum, violentiam, perturbationem vitæ & rerum omnium confusionem, vnde omnia vitiorum, flagitorum & calamitatum genera consequantur.

*Castelleraldi quarto die Martij, 1589.*

**DECLARATIO RE-**  
**GIS NAVARRAEI, CVM LIGE-**  
*rim flumen traiiceret, Regi operam*  
*studiumque naua-*  
*turus.*

**H**ENRICVS Dei gratia Rex Nauar.  
ræ, ijs omnibus, qui hæc lecturi  
sunt, salutem. Cum summo & singu-  
lari Dèi Opt. Max. beneficio dignita-  
tis hoc simus consecuti, vt nati fueri-  
mus primus Regij sanguinis princeps,  
primusque Franciæ patricius, quem  
natura ipsa ad Regem suum defenden-  
dum docet ac instruit: quem etiam &  
Lex & fides, religioque officij ad Re-  
gni huius statum conseruandum ob-  
stringunt: cùmque sit ipso rerum e-  
uentu & experientia vnicuique planè  
perspectum & exploratum, factiosos i-  
stos, quocunque tandem fidei & Reli-  
gionis nomine facta sua tegant, nihil  
aliud quām Regis & caput & coronam  
spectare: nihil item aliud quām huius  
imperij dissipationem atque usurpa-  
tionem machinari, vnde non potest  
non consequi rerum diuinorum at-  
que humanarum confusio, omnis or-  
dinis, politiæ & iudiciorum euersio  
extre-

**extrema, & singulorum & vniuersorum**  
huius regni bonorum ciuium ca-  
lamitas ac pernicies, quantam omnes  
animo prospiciunt, & tacita pietate de-  
plorant, atq; iamadeò plerique in suis  
bonis, vita, honoribus ac libertatibus  
reipsa sentiunt.

Nos idcirco à Deo, natura & Lege  
ad rem tantopere necessariam inuitati  
ac per pulsi omnino decreuimus, vi-  
tam, opes, & facultates omnes adhibe-  
re, ad autoritatis Regiæ restitutionem  
ad huius Regni instaurationem, ad bo-  
norum illius incolarum ac ciuium  
( quantum quidem animo conniti,  
quantum labore contendere, quan-  
tum opinionibus & viribus nostris  
consequi poterimus ) conseruatio-  
nem liberationemque aduersuseos o-  
mnes, qui tam apertè Regis ipsius san-  
guinem & vitam petiuerunt, qui de  
Regni usurpatione cogitare consipa-  
re que ausi fuerunt, qui que tot tamque  
verè miseros & miserandos populos,  
quos Deus sacrosanctis huius imperij  
legibus, à tam multis seculis pro sua  
benignitate coniunxerat & seruaue-  
rat, ad vniuersam pæneque ineuitabi-  
lem perniciem & exitium adduxerunt.

Prosternemur nos in hostium numero  
nec habere iam, nec habere in poste-  
rum velle, nisi eos tantum vnos, qui  
suis conatibus & effectis ipsi sese Re-  
gni huius hostes palam ostenderunt:  
qui quantum animis quidem & armis  
efficere potuerunt, Regis summi Ma-  
gistratus à Deo constituti, & genti Gal-  
licæ antea consecrati nomen extinxe-  
runt atque delerunt: qui Senatus Cu-  
riasque supremas exauktorarunt, o-  
mniq[ue] in dicendis sententijs, ac mo-  
deranda Reipublicæ libertate, digni-  
tateque spoliarunt, eò furoris ac insa-  
niæ abrepti, ut præcipuos & clarissi-  
mos ei⁹ ordinis viros crudelissimè tru-  
cidarint, quorum dignitatem & salu-  
tem siue ob amplissima, quibus perfun-  
ctierant, munera, siue ob maxima, qui-  
bus Remp. affecerant merita, ne ipsi  
quidem latrones, Barbari & immanis-  
simi quique humani generis hostes ap-  
petere voluissent: quique huius regni  
sigilla, sancta illa & augusta iurisdi-  
ctionis summae instrumenta perfrege-  
runt ac considerunt, tanquam iusti-  
tiam ipsam, quantum quidem in se est,  
violantes, & ex re sacratissima profa-  
nam facientes: qui denique omnia ita

per-

permiscuerunt ac perturbarunt , vt  
in his omnibus locis in quibus domi-  
nantur, rerumque ex animi sententia  
potiuntur, nihil aliud vigere , & lo-  
cum habere videatur, nisi direptio, cæ-  
des, furor, insolentia, populorum va-  
stitas, vrbium cadavera, luctus & la-  
mentatio, in omnibus familiis incen-  
dium, & exitialis omnibus in rebus la-  
bes & horror.

Istis autem, iusta hæc arma iuste op-  
ponimus : Illis ipsis bellum infestum  
indicimus , & aduersus eos, inuitamus  
& obtestamur veros omnes Francos,  
Regi fideles, patriæ suæ amantes, & o-  
ptimarum legum studiosos, vt suis tum  
yotis, tum armis presto nobis sint. Qui  
plane persuasum certumq; habemus,  
Deum nobis propitium fore, atque pro  
sua bonitate summa, vt nos imperio  
& autoritate Regis instructi, merita  
eos debitaque pœna multemus, futu-  
rum: necnon tot mala, falsa bonorum  
specie patrata, tot etiam sacrilegia at-  
que impietates, sacropietatis ac iusti-  
tiae nomine admissas, non diutius inul-  
tas impunitasque laturum.

Veruntamen quanquam minime  
dubitamus, quin multi se in horrenda

D 5 hæc

hæc flagitia induerint, alij furore præcipites acti, nonnulli iusto metu vieti, plerique verò malis factiosorum artibus potius subornati, quām propria malitia perfidiaque impulsi (hoc enim animū nostrū inducere non possumus, Francos nostros à pérenni illacōtestataq; virtute maiorū ita turpiter degenerasse, vt consultò & cogitatò fidem suo Principi debitā, hoc est, hæreditatē patrimoniumq; paternū eiurare ac nefariè prodere velint.) Nos ideo pro eo, quo tenemur innocentes à nocentibus quoad fieri poterit secernendi & gladio iusto ac legitimo (quem Deus nobis tradidit ad officium Regi summo nostro Principi præstandum, eiusq; subditos tutandum cum summa animi moderatione & æquitate) vtendi desiderio, testificamur ac denunciamus omnibus prouinciis, vrbibus, ciuitatis, eodem inter se iure & communitate sociatis, Ecclesiasticis, Nobilibus, Magistratibus, Ducibus, militaribus viris, ciuibus, oppidanis, aliisq; oībus, cuiuscunq; gradus, personæ & conditionis hominibus, vt à nefaria ista hostium qui hoc imperiū itadiuexant & exagitant, societate se quamprimū se-

gre-

gregent, summaverò cōfessione, piaq;  
conspiratione Regiæ maiestati cedant  
ipfiusq; fascibus se submittant, & suæ  
fidelitatis, veriq; ac perpetui obsequij  
fidem illi certissimam faciant. Illos e-  
nīm (si præsertim hac de re nos rectè &  
tempestiuè certiores fecerint) tum de-  
mū diligenter conseruabimus pro ea  
quam à Rege consecuti sumus, & quam  
ad illius voluntatē ac nutum omnino  
conuertere & accōmodare studemus,  
authoritate. Quòd si nihilominus hoc  
aspernati, aut pertinaces aut negli-  
gentes se præbuerint, quæ ipsis mala  
& clades armorum violentiā importa-  
buntur earū oīum causam inuidiamq;  
à nobis detestamur ac deprecamur, eā-  
que in ipsos meritissimò transferimus:  
dignissimos certè, qui in iustissimę pœ-  
næ societatē cum illis veniant, quorū  
iniustitiam & violentiam, aut consen-  
fione aut dissimulatione cōprobarunt  
& confirmarunt.

Proinde fidorū Regis subditorū &  
illius obsequio addictorū, necnon eo-  
rum qui se illi reconciliabunt, & qui  
adeius authoritatem maiestatemque  
defendendam, cum ipso vtante a cō-  
spirabunt, omnium absq; ueilla perso-  
narum

narum vel acceptione vel exceptio-  
ne, opes, vitam, dignitatem, libertatem,  
religionem & liberum Dei cultū con-  
seruare statuimus: Ac speciatim Eccle-  
siasticorum, quorum eō maiorem cu-  
ram suscipere volumus, quō grauiori-  
bus, & frequentioribus belli iniuriis,  
vt plurimum expositi sunt: Ita tamen,  
vt meminerint pacem & concordiam  
colere, & in suis se finibus modestè  
continere: cùm eorum contrā non-  
nulli & maximo sanè cum suæ profes-  
sionis probro, harum se turbarum ac  
discordiarum faces & instrumenta  
præbuerint.

Eoque nominatim hoc interdici-  
mus iis omnibus, qui in castris nostris  
merent, & in persequendis hostibus  
nobiscum faciunt, nequid audeant &  
aggrediantur aduersus fideles Regis  
subditos ac seruos, aliosque, qui, vt  
modò dictum est, cum eo in gratiam  
redierunt, suaque studia & arma con-  
iunxerunt, cuiuscunque sint sortis &  
conditionis. Ac præcipue aduersus  
Ecclesiasticos, & locas sacris eorum fa-  
ciendis destinata, in quibus vetamus  
ullam iis moram impedimentumue  
inferre. Qui secus fecerit, & hoc man-  
datum

datum temerè violauerit , is sciat se  
grauissimas suæ temeritatis poenas  
daturum, pro rei quidem natura & dis-  
ciplinæ militaris à nobis constitutæ  
seueritate. Sicuti quoque summo stu-  
dio præcipimus , & pro nostro etiam  
iure imperamus nostris Legatis , Gu-  
bernatoribus & aliis denique omni-  
bus, qui alicui oneri atque officio præ-  
sunt, vt in sua quisq; Prouincia ac mu-  
nere in eam rem , quam mandamus,  
diligentissimè incumbant, ea lege atq;  
omine, vt ductores & ordinum Præfe-  
cti, siquid ipsorum aut incuria, aut dis-  
simulantia perpetram acciderit , cul-  
pam ipso omnem præstatuti sint.

Et tamen nihilominus omnes fide-  
les Regi summo nostro Principi sub-  
ditos ac seruos, quocunque loco &  
conditioni sint, & qui (nuntio nefariæ  
isti coniurationi remisso) Regis nunc  
partes sequuntur, vt dictum est, com-  
mone facimus, quò probi ab improbis  
facilius secernantur, & malis occur-  
ratur, quæ negotio longè minori tan-  
tum cogitata præpediuntur, quam  
iam admissa resarcuntur, vt se in fi-  
dem & clientelam nostram mature  
conferant, itemque nostrorum Lega-  
torum,

torum, Rectorum atque Magistratuum,  
quorum auctoritate & opera sibi co-  
sulatur, & ab omni damno atque peri-  
culo caueatur: acceptis libellis fidei  
pub. testibus, commeatibus, & aliis e-  
iusmodi ad securitatem prestandam  
necessariis diplomatibus. Ita tamen,  
ut Regis ac illius Legatorum, aut alio-  
rum quorumlibet, qui Regis nomine  
cum imperio sunt, diplomata ab hu-  
ijs edicti die concessa, in uiolatè ob-  
seruentur ac prætentur: Pœna certissi-  
ma & grauissima ex nostris decretis &  
constitutionibus in eos sancita, qui ea  
infregerint.

Hic omnes huius Regni ordines ro-  
gamus ut sibi ante oculos ponant,  
quantò nunc deteriore conditione  
fuerint, & in posterū magis magisque  
futuri sint, tum priuatim, tum publicè  
existarum turbarum ac confusionum  
diuturnitate. Ac primū Ecclesiastici  
considerent in armis pietatem extin-  
guifunditusque deleri, Dei nomen ac  
numen horrendis blasphemis pollui,  
Religionem omnem iacere: quod v-  
nusquisque in eam iam impietatis &  
iniustitiae consuetudinem venerit, vt  
nihil vereatur sacrum fidei nomen lu-  
dibrio,

dibrio, & contemptui habere, cùm vi-  
det clarissimos & summos quosque vi-  
ros insignes illas suas, & omnium quæ  
vnquam aut fuerunt aut futuræ sunt,  
maxime execrandas ac detestabiles in-  
fidelitates, fidei simulatione velare  
solere.

Nobiles etiā animaduertant, quām  
grauicafu collapsus, quantoque opere  
debilitatus suus ordo fuerit, exiguo ad-  
modum temporis spatio: quum arma  
illorum fidei potestatique commissa,  
quippe aut hæreditaria nobilitatis in-  
signia, aut virtutis certè præmia, præ-  
contemptione cōculcata, in luto quo-  
dammodo voluantur, atque vilissimæ  
& insanæ plebeculæ traduntur, quæ ex  
tanta libertate in licentiam, ex licen-  
tia in effusam in omni insolentia ac  
petulantia (nulla prorsus, ut videre li-  
cet, nec meritorum nec personarum  
habita ratione) libidinem tandem e-  
uafura est.

Tum iudiciorum præfecti, totoque  
Iurisconsultorum, & magistratum  
collegia diligenter expendant quot  
quantaque latrocinia per boni Publ.

spe-

speciem & quasi ianuam in hoc re-  
gnum irrepserint adeoque irruptent:  
**cum** in nobilissimam illam patricio-  
rum Franciæ classem (in qua illustris-  
simi quique pro ea, qua iustitiam, cu-  
jus illic sacrum domicilium est, reue-  
rentur & colunt, obseruantia gladioꝝ  
quibus succincti sunt, vltro deponere  
solent) quum in eum, inquam, factoꝝ  
sanctum locum furiosus quidam rabu-  
la armatus & viginti nebulonibus, si-  
cariisq; stipatus irruit, supremæ Fran-  
corum Curiæ iugulo gladium inten-  
tat, eamq; captiuam per triumphum  
ducens in carcerem Parisinum (quem  
vulgò Bastidem vocant) includit: cum  
primus Cutiæ preses, vt suæ Religionis  
studiosissimus ac tenacissimus; si quis  
vnquam fuisse dicitur, sic & contrariæ  
certus atque acerrimus aduersarius,  
morte immanissima Tolosæ macta-  
tur, omni crudelitate laceratur, raptâ-  
tur, suspenditur, idque nefaria Episco-  
pi cuiusdam & sceleratissima coniu-  
ratione. Ecquam verò hæreseos vel  
speciem vel suspicionem quantum-  
tis minimam vnquam dedisse visus  
est! O immanissima & fœdissima fu-  
toris, crudelitatis & barbarici mon-  
stra!

stra! quæ adeò superesse diu admodum  
nō possunt, n̄ si fortasse memoria quadā  
huic nostræ tum etati, tum nationi (quæ  
eos tūlit & aluit, atque etiamnum &  
fert & alit) probroſa, nec non, quocun-  
que loci perueniat, execranda & dete-  
stabi.

Tertij autem ordinis homines, qui  
ex hoc saltē in commōdo ſibi aliquid  
commodi cōparare debuerunt, cogi-  
tent an vētigalibus & collationibus  
aliquatenuis ſubleuentur, an à militum  
libidine & contumeliosa insolentia  
vexationeque liberentur: num ſuæ of-  
ficinæ in oppidis, aut villæ in agris cō-  
modius ſehabeant, vtrum pecunia pū-  
blica prudentius & frugalius quam an-  
teā vel condatur, vel promatur. Sed  
contrā annon acerbissimæ & grauiſſi-  
mæ, tum pecuniarum, tum operum pu-  
blicorum exactiones duplo augean-  
tur: nonne in ædium ipsarum foribus  
gramen præ ſolitudine & vastitate na-  
ſeat, & cīrefcat, annoi etiam prō vno  
ærarij depéculatore tres iam illud to-  
tum exhaūiant & effundant. Niſi for-  
tasse frugalitas appetetur ac parsimo-  
nia; clāriſſimarum ac potentissimarum

E domo-

domorum baiulis (perditissimæ ac insimæ populi fæci) permitta direptio: ut & iniquissimæ bonorum virorum vexationes & expilations, qui in calamitate & confusione rerum tanta vehementer ingemiscunt & acerbissime afflantur. Quæ sanè calamitas ad breue omnino exiguumque tempus duratura videtur: indeque hoc consecutum, ut vulgus, ædium illorū quos Politicos nominant direptioni, infestis animis & manibus assuetum, atque (non aliter quam lupi stragi, & cadaseribus) auditisimè inhians, deficiente iam præda, crudelissimè ac promiscuè in clarissimorum ac potentissimorum quorumque pecunias inuidat.

Meminerint præterea vrbes, quæ se ad coniuratorum factionem adiunxerunt, in quo ante a statu essent, & in quo sint hodie. Quis enim commercium in syluarum recessibus quæret? Quis iustitiam iurisque fidem in Bastidis illius ergastulis? Quis doctrinæ & humanitatis studia, ubi mera barbaries, & omnes & omnia occupat? Et tamen hæ sunt veræ & præcipuæ rati-

rationes , quibus vrbes splendorem ,  
frequentiam opulentiamque tantam  
adeptæ sunt : quibus etiam solis hæc  
incolumia ac salua diutissimè retine-  
ri possunt. Hodie est hæresis Politici-  
cum virum esse. Ita Politia illa , per  
quam maximè vnam vrbes florue-  
rant & viguerant , tota nunc ia-  
cet. Cras verò nefarium & capita-  
le facinus erit , diuitem esse. Cæte-  
rum si præsidia vrbibus imponantur ,  
earum libertas perit. Cuius tamen  
nominis suauitas & quasi titillatio  
eas oppressit ac perdidit. At si præsi-  
dijs sint destitutæ , prædæ igitur expo-  
sitæ sunt : excubijs quidem & custo-  
dijs obrutæ atque oppressæ , male ta-  
men custoditæ : ita vt singulis pænè  
momentis hostium insidijs & iniu-  
rijs pateant. Ecce autem præclara illo-  
rum libertatis imago , ipsis est serui-  
tus & carcer. In agris verò si malum  
hoc diuturnum sit nihilo melior con-  
ditio futura est. Neque enim Rex  
pati vñquam potest à suis se subdi-  
tis dignitatis suæ gradu deturbari.  
Acerbitas acerbitali opponenda e-  
rit : & vis vi repellenda. Seditiosor-  
um effrænata licentia , contumeliam ,

E 2 & im-

& immoderata libidinum atque iniuriarum intemperatia iniurias alias necessariò arcessent atque attrahent aduersus iniquam externi hostis usurpationem ab externis auxilijs: Aduersus Hispanorum confilia & factiones , à Germanorum & Heluetiorum copijs succurrendum Regi erit. Agri nostri sylvescent, vernacta verò desolabuntur. Et hoc quidem malum rusticō & oppidano commune: malum Nobili itemq; Ecclesiastico commune: malum, quod nobis tum latrocinia in agris, tū furores in vrbibus duplicabit. Tunc verò vae tantarum calamitatum autoribus, vae etiam tantarum miseriarum fautoribus & adiutoribus.

Namque in eos populus istum furorem conuertet: atq; ipsorum sanguinem tum suæ culpæ liberationem erratiq; veniam, tum suum otium & suam etiam vitam redimet. Atq; scelerum tantorum principes, & architecti suo tandem malo experientur, quanti momenti quantiq; periculi sit Regi sceptrum & Magistratui gladium eripere, quo populus armetur, & infinita intollerandaque licentia comprobetur.

En cogitant certè de suo folio Regem

gem exturbasse, & eius quidem disces-  
su vacuum illud fecerunt. Sed respon-  
deant, quæso, bona fide, cui tandem lo-  
cum istum assignent: Dicine Mayen-  
nensi? Quotus verò quisq; Principum  
Christianorum existet, qui eiusmodi  
facinori, nō reclamet atq; intercedat.  
Qui hoc exemplo iniuriam sibi quoq;  
factam non sentiat? è nostra verò No-  
bilitate quot familiae reperientur, quæ  
ne Lotharingia quidem parere vnu-  
quam volent? ne dum illi se subiçere,  
qui & naturæ ordine, & successionis  
gradu postremum fere locum tenet in  
Lotharingia gente, quæ nihil habet il-  
lustrius & insignius, quam quod am-  
plissima & clarissima Regum nostro-  
rum & vicinorum Principum affinita-  
te decorantur. Qui quidem ex Gallica  
illa Nobilitate istos Regni captatores,  
vel hoc uno superant, quod & Franci-  
na ti sunt, & Francium ingenium atque  
animum constantissime retinuerint.  
Quam graue sibi, quam durum atque  
acerbum ducerent, tam vili & imbecil-  
lo iugo ceruices suas submittere? quam  
turpe etiam & magnum existimarent,  
vitam suam, & dignitatem nouorum  
istorum hominum libidini subiçere;

quos fibi natura adæquauit , quorum  
dignitas & Nobilitatis insignia ex Lege  
Gallica æquo & pari cum cæteris No-  
bilibus iure continentur : quos etiam  
DÆVS ipse nulla re cæteris potiores  
aut præstantiores effecit , nisi quate-  
nus istorum audaciae & arrogantiæ e-  
os obiecit & subiecit ? Quot aut gene-  
ris Borbonij Principes prosternendi  
ijs sunt acconfodiendi , priusquam eò  
perueniant , quò volunt , Principes ,  
inquam , & iure , & animo , & gratia  
atque autoritate aduersus fictam i-  
stam usurpationis Chimæram armati ,  
pro quorum salute Nobilitas illa su-  
um sanguinem profundet . Nobilitas  
verò , quæ in eiusmodi rerum muta-  
tione , vñà cum Monarchia ipsa sepul-  
ta semper fuisse visa est . Nobilitas cu-  
ius dignitas & honos , cum summa il-  
la Regum nostrorum & dignitate &  
honore coniunctus est : quæ denique  
suum illum altiorem dignitatis gra-  
dum , à Deo adeptum in vulgus obti-  
nere non potest , cùm videbit sumum  
suum Principem , à quo gladium , No-  
bilitatis insigne , accepit , de suo ipsi-  
us gradu deiectum esse . Taceant hic  
omnes , & factiosis istis per nos liccat ,  
quic-

qui cquid animo libitum fuerit cunctanter & pro arbitrio agere. Si volunt suæ usurpationis fundamentum ex facta illa & animis suis concepta Caroli Magni successione arcessere atque confirmare: quo tandem pacto inter eos & Lotharingiæ Ducem, illiusque liberos conueniet? Et ut illi de suo iure decadere vltro velint, quomodo inter eos & stirpem Vaudemonianam? Quod si coronam Regiam deberi putant, meritis, laboribus ac virtutibus, hoc est, vt vere dicam quod res est, nefarijs consilijs & impijs factionibus defuncti Guijsij Ducis: qui sit igitur, ut illius haeredem suo iure fraudent? Tum cuinam dubium esse potest, quin cæteri omnes ex Lotharingia stirpe oriundi, Regni partem sibi quoque aliquam vendicent? Hoc vero quid aliud est, quam totum Regni corpus lacerare, & singula illius membra inter se partire ac diuidere.

FRANCI, singite hic animo & cogitatione futuræ vestræ conditionis imaginem. Haec rerum tantarum ab uno extremo ad alterum mutationes, raro vñquam fieri solent

absque violentissima euersione. Euer-  
sio autem illius domus, in qua habita-  
mus, fieri non potest, quin eius ruina  
obruamur. Corpus nostrum non antè  
in vermes & serpentes abit, quām  
mors præcesserit. Illi etiam serpen-  
tes ex huius Regni corpore, nec ena-  
sci nec erumpere possunt, quin il-  
lud sit prius resolutum, corruptum ac  
putrefactum: quin nos omnes, qui  
in eotantūm viuimus, & vigemus il-  
lius quoque casum & interitūm sen-  
tiamus. Facile quidem est, cuilibet  
sceptrum appetere: facile quoque ple-  
bicommotæ, & male in Principem su-  
um animatæ, rebus nouis studere.  
At inter ambitiosam cupiditatem & il-  
lius effectum, inter vestras adeò præ-  
cipites iracundias, & vestram, quam  
meditamini, vltionem ita longin-  
quam, quot dimications, & prælia,  
quot cædes, direptiones, calamita-  
tesque intercedent? Ne secula qui-  
dem ipsa huic dirimendæ controuer-  
sia sufficent: filius patris locum oc-  
cupabit, & frater fratris: ita maxi-  
mam rerum confusionem apud po-  
steritatem perpetuaueritis; quæ id-  
circo vestros furores, vestram et-  
iam

iam memoriam meritò execrabitur.

Quantò verò vobis esset oportunius pacis beneficio modum aliquem & finem tot calamitatibus facere? Pacis, quæ ex tam tetro & caliginoso Chao, in quod ipsi vos demersistis, in lucem vos reuocaret: Quæ vos ipsos vestro ingenio, mentiq; pristinæ restitueret: quæ vos ab illis, quibus animi vestri noctesque diesq; tantopere solicitantur, anxietatibus liberaret; ab isto etiam in quem vos conieciistis, curarum & miseriarum Labyrintho eriperet: ex quo quidem satis ipsi animo certis, vos non posse unquam emergere, & cuius interim exitum nullum videtis. Pacis, inquam, quæ unumquemque, in ijs quæ cara habet reponeret: quæ agricola sum aratum: opifici suam officinam, mercatori suum commercium, agris securitatem, vrbibus Politiam, omnibus citra discrimen rectam iustitiam redderet. Pacis etiam, quæ paternum Regis amorem vobis compararet, illi verò quam debetis & obedientiam & fidelitatem præstaret. Pacis, ut verbo rem complectamur, quæ huic Regno, &

E 5 ani-

**animam & corpus suum restitueret;**  
Corpus quidem , quod à sui in mille  
partes per istos ambitiosos laceratio-  
ne, non longe abesse videtur: Animam  
verò (præclaram illam Politiam dico,  
qua Regnum hætenus conseruatum  
est) quæ à summo gradu ad imum us-  
que tota in cōfusionem maximam pre-  
ceps ruit.

His omnibus consideratis , atq; vno  
quoque secum attentissimè cogitante  
malum , siue quod ipse sibi creat , siue  
in quod in tanta rerum confusione in-  
currat necesse est ; Confidimus eos ,  
qui in suo erga Regem officio persti-  
terunt , studio & benevolentia duplo  
etiam maiori suam illi aduersus hostes  
operam in posterum nauaturos. Eos  
verò qui nimis creduli & improuidi  
ad coniuratorum cōsilia & causam se-  
sse applicarunt , sui ipsius exitij admi-  
nistros minimè futuros , huius Regni  
arcem funditus in sua capita subruen-  
tes: sed potius à causa tam iniqua desti-  
tueros , configuentes ad Regis clemen-  
tiam , quam semper patetem , atq; adeò  
præsentem ijs habet ; qui omni officij  
& obsequij genere , illius animum sibi  
conciliare studebunt.

**Quod**

Quod verò adeos attinet, qui obstinate animo, Regi, Regno & sibi etiam ipsis infesti esse pergent, ut Dei indignationem, atq; hominum odium sibi meritissimò cōflabunt: sic est quod pro certo habeant, sibi à Deo insignem aliquam calamitatem & grauissimam pœnam suis flagitijs debitam, impendere: Quam, vtinam Deus pro sua singulari bonitate pertinacibus istis citissime maturet, vt eo citius, à tot malis & miserijs liberemur, atq; tam multi, tamque ærumnosi populi suis miserijs & calamitatibus leuati, commodis & otio aliquo perfruantur.

Nos autem verè profitemur, nulla omnino ambitione fuisse ad arma impulsos. Satis hactenus comprobauimus, è nos minimè omnium duci. Sat is quoq; dignitatis & ornamenti consecuti videmur, qui hoc simus, quod sumus. Et huius Regni splendor ac decus perire non potest, quin ipsi quoque vna cum eo pereamus. Nec vindictæ etiam cupiditas ( vt Deus ipse nobis testis est ) nos vel tantillum mouet. Nemo homo plures & grauiores iniurias, quam nos, accepit. Nemo hactenus eas minus est perse-

persequutus. Nemoque omnium eas ipsas hostibus, si modò resipiscere velint: sin minus, Franciae tranquillitati, pacique libentius & liberalius condonabit.

Quod me grauiter afflittat, quodq; sine lacrymis, nec videre, nec præuidere possum: hoc vnum est maximè quòd huius regni status in eum iam locum deductus sit, vt illius malum ita inueteratum, ita etiam obfirmatum, absq; malis sanari non possit. Et ab ijs quidem malis contra vulnus ipsum, & eos qui illud inflixerunt testificamur. Qui plagam eiusmodi nobis imposuit, ille ipse tum ferri & cauterij, tum incisionum ac dolorum, qui ab ijs inferuntur, reus esse planè videatur.

Sed ne plura: hoc vnum confirmamus, quod & testatum apud omnes relinquetur, nos optimi Chirurgi, qui ægrotum quidem amat, curâ fidemq; quantam maximam poterimus, ad id mali adhibituros. Hostes contrâ, qui his tantis malis delectâtur ac pascuntur, præter ferrum, adhibebunt etiam odium & dolum: quippe qui nullare excusari possint, præterquam ambitio ne &

ne & huius Regni potiundi cupiditate: quam etiā ipsam explere omnino non possint, nisi vniuerso Regni ipsius interitu: Interitu vero, quem nos ab hoc Regno cūm nostris opibus omnibus, tum vitā adeò ipsa libentissimè redimemus. Quin potius ( vt Dei, Regum, atque Regnorum patroni benignitate confisi, certō futurum speramus ) iterum & intra paucos dies in laborum nostrorum præmiū fructumq; amplissimum, Regem in debitam & vñā cum ipso natam autoritatem, Regnum etiam ipsum in pristinum florem ac splendorē restitutum videbimus: quod ad Dei gloriam, ad verorum Gallorum gaudium lētitiamque, ad tot tamque calamitosorum populorum consolationem, deniq; ad eorum ipsorum, qui Regni totius exitium appetunt, summum animi dolorem redundabit.

Quæ cūm ita sint, omnes summas Iurisdictionis Curias, Gubernatores, Legatos, prouinciarum Præfectos, Seneschalos, aliosque Regiæ Maiestatis Magistratus & ministros rogamus, vt in sua quisque ditione, & pro suc quisq; munere, teto animo, ope atq; operâ

operâ nobiscum contendant, & eni-  
tantur, ad nostrum hoc propositum,  
susceptumque consilium iuuandum,  
& quoad fieri poterit perficiendum,  
quò Regis dignitati, amplitudini &  
rationibus consulatur, caueatur. Ea  
est enim nostra potissima cogitatio,  
cura & voluntas.

*Salmuri 21. Aprilis 1589.*



**REGIS**

**REGIS NAVARRÆI**  
**SUPER INDVCIARVM INTER**  
**Francie Regem, & ipsum Nauarreum**  
**Regem Salmurij paetiarum fa-**  
**dere declaratio anno**

1589.

**E**nricus Dei gratia Rex Na-  
varræ, Primus Regij sangu-  
inis Princeps, Primus Fran-  
ciæ Patricius, & Gallicarum  
Ecclesiarum quæ puriorem Religio-  
nem profitentur, patronus ac vindex,  
omnibus Prouinciarū Rectoribus, vr-  
bium, castellorum & arcium Præfe-  
ctis, copiarum ductoribus ac modera-  
toribus, Ciuitatum Primarijs, Coss. ac  
Iuratis viris, denique cæteris, tum Re-  
gis summi nostri Principis, tum alio-  
rum quorum id interest, & qui sunt in  
nostra potestate, & clientela, Iudici-  
bus ac Magistratibus salutem. Cùm  
sit vnicuique penitus perspectum pla-  
neque cognitum, nos in hoc misero, &  
calamitoso bello, neque arma cepisse,  
neque ea capta tenuisse, nisi quatenus  
summa nos eò adegerit necessitas: nec-  
non actionibus nostris omnibus, sa-  
uis testati simus, quanto nobis dolori  
esset

esset hostium huius Regni scelere, nos  
armis hisce irretitos & implicatos te-  
neri: contrà, quanta esset nobis cupidi-  
tas & studium defendendæ Reginæ Ma-  
iestatis ab illius hostibus: ad suam illi  
authoritatem, bonis autem ciuibüs o-  
tium & tranquillitatem pristinam re-  
stituendam: interim tamen fuerit ea  
temporum nostrorū iniquitas, vt cōsi-  
lia nostra licet optimā permultis & ca-  
lumniosis artificijs adulterata atq; de-  
torta: hostium autem praua voluntas  
prætextis speciosis, & ad sui cōmien-  
dationem, animorumque conciliatio-  
nem maximè appositis tecta velataque  
fuerit: vsque adeò sanè, vt regnum no-  
strum ab extremo interitu & exitio  
non longè abfuisse visum sit; nisi Rex  
pro sua singulari prudētiā, quanquam  
in infinitis impedimentis oppugnata &  
interrupta, nostram innocentiam ad-  
uersariorum calumnia & peruersitate  
iniuolutam extricasset, atque iniuste-  
ratam eorum malitiā per medios eo-  
rum fucos & ementitos colores per-  
spexisset. Et quidem plerisque hoc co-  
minibus iam liquidò constat hos ciui-  
les motus Religionis simulatione ac  
nomine velatos, regnandi nihilomi-

fus

nus libidine concitatos fuisse: eorum  
item autores nec petiisse, nec inuasisse  
eos qui puriorem mecum Religionem  
profitentur, sed tum armis, tum auto-  
ritate & imperio sibi ad eum maximè  
finem dato, fuisse abusos ad huius Re-  
gni vrbes, quæ non modò à Religione,  
sed ab omni etiam Religionis suspicio-  
ne longissimè absunt, occupandas: E-  
andem omnino fidem & Regi & Re-  
gno toti præstant, dum suos conciona-  
tores ad eos, quibus haereseos crimen  
notamq; inurunt, à sua illa scilicet hæ-  
resi ad verum Dei cultum traducendos  
nō modò non adhibuerunt, sed eorum  
etiā & lingua & opera vñ sunt ad euer-  
sionem huic regno inferendam, tan-  
quam incendiriorum quoruð dam ad  
Regnum inflammandum, ad subditos  
contra suum Principem subornandos,  
ad eos è suorum Magistratuum obedi-  
entia auertendos, ad eosdem ad sedi-  
tiones atque rerum mutationem moli-  
endam impellendos: Denique ad res  
omnes tum humanas, tum diuinas;  
delectu omni & discrimine remoto  
confundendas ac perturbandas: vn-  
de non sine grauissimo bonorum o-

F minis

mnium virorum dolore, in Gallica  
gente exarserit incredibilis à Rege  
summo nostro Principe defectio, &  
ex ea in plerisque urbibus ac prouin-  
cijs tanta confusio, vt inanis illa pie-  
tatis, & Iustitiae umbra & Imago, soli-  
dam & expressam vtriusque effigiem,  
nempe Dei timorem ac illius veræ i-  
maginis, hoc est, Legitimi & summi  
Magistratus, ab eo in rebus dubijs pe-  
riculosisque temporibus constituti,  
obseruantiam penitus sustulisse ac de-  
leuisse videatur. Nos igitur, nostrum  
erga Regem summum nostrum Do-  
minum, officium agnoscentes, & Re-  
gni ipsius vicem populique calamiti-  
atem intimis sensibus deplorantes,  
ad Regis Maiestatem confugimus, il-  
liusque potestati vitam nostram o-  
pesque omnes ad retundendam & in-  
fringendam hostium violentiam pro  
illius salute & dignitate, & suorum o-  
mnium fidelium subditorum in inte-  
grum restitutione vtrio & summissè  
obtulimus: testati, vt nunc etiam te-  
stamur, nostra omnia confilia ad il-  
lius tantum obsequium & obseruan-  
tiam spectare, vt quiuis facile iudica-  
re potest. Quòd si nostra fuisset alia

mens

mens , alius animis , occasio certè ea-  
que opportunissima miserijs publicis  
ad nostram vtilitatem abutendi , nobis  
oblata erat ,

Rex etiam ideo pro sua humanitate  
officiosam hanc nostram voluntatem  
tum candidè agnouit , tum libentiissi-  
mè accepit : nècnon , vt facilius & com-  
modius nostra opera vti posset , consti-  
tuit hoc tādem , vt hostilibus armis v1-  
tro citroque abstineretur , fierentque  
Induciae , ex quibus Deo iuuante , feli-  
cissimam pacem consecuturam spera-  
mus .

Quamobrem nos grauissimis hisce  
causis adducti , omnibus , tum vniuer-  
sis tum singulis , qui nostram autori-  
tatem , fidemque & clientelam agno-  
scitis , qui que pro suo quisque munere  
& parte in eandem nobiscum causam  
incubitis , vobis edicimus , nos cum  
Rege summo nostro Principe ac mo-  
deratore de inducijs & infestorum ar-  
morum in toto hoc Regno intermis-  
sione & egisse & constituisse in an-  
num integrum à 3. huius Mensis A-  
pril. die , ad eundem eiusdem Mensis  
3. & integrum diem . Atque in eo in-  
duciarum fœdere Comitatum Auenio-

F a nensem

nensem illiusque subditos , cùm in  
Regis summi nostri Principis fide &  
clientela sint , comprehensos volu-  
mus . Idéoque omnibus cuiuscunque  
ordinis & fortis hominibus interdicti-  
mus , nequid moliantur & aggredian-  
tur aduersus ea loca , in quibus Regis  
Majestas non solum autoritatem , sed  
etiam imperium in suos tenet : vt nec  
aduersus illum ipsum Auenionensem  
Comitatum quoq; ingrediemur ,  
quacunque transibimus , vbiq; unque  
commorabimur , nominatim sanc-  
imus & vetamus , nequid attentetur  
aut suscipiatur contra bonos & fideles  
illius subditos & Ecclesiasticos maxi-  
mè , nec quicquam in consueto Reli-  
gionis Catholice & Romanæ ritu cul-  
taq; nouetur aut intertumpatur . Vti  
etiam , si Dei beneficio dabitur , vt lo-  
cum aut urbem aliquam ab hostibus  
occupatam vi seu aperta , seu clande-  
stina , seu alia qua cunqueratione reci-  
piamus , nos volumus ac præcipimus ,  
vt in ijs que ad Regis obsequium & ad  
eandem Religionem Catholicam &  
Romanam nihil illic immutetur , id-  
que omnino secundum ea , de quibus  
cùm Rege ipso summo nostro Princi-

pe pluribus transegimus. Et quemadmodum ob has maximè causas Regi pro sua benignitate placitum est, Regiae manus in possessiones nostras iniectione nunc soluta, liberam bonorum possessionem concedere tam ijs omnibus, qui priorem mecum Religionem profitentur, quam alijs qui stant ab hac causa, ut facultatibus suis omnibus per totum induciarum temporis tantur, fruantur: ita nostrū quoque propositum hoc est, ut omnes Regis subditi, siue Ecclesiastici, siue alij quilibet rebus suis liberè & placatè toto illo fœderis tempore perfruantur, in ijs locis quæ nunc tenemus. Et hac quidem de re præter has publicas literas, alias etiam priuatas ad id beneficij necessarias, conficiendas curabimus, ut illis hac ratione sat is caueatur. Quamobrem vobis, quorum hoc maximè refert, atque munus est, mandamus, ut hoc rescriptum legi, promulgari, in Curiarum commentarios referri, denique illius capita, ut h̄c prescripta praescriptaque sunt, singula diligenter fideliterq; obseruari ac præstari & quæ his impedimenta inferuntur, ea sedulò ac funditus tolli velitis,

Iubatis. Ad cuius rei fidem & testificationem, hisce nostris literis propria manu ob signatis ex nostro mandato, insigniorum nostrorum Sigillum appositum fuit. Datum Salmurij 24. April. Anno Salutis 1589. Atque ita signatum, HENRICVS. Et paulo inferius.

A Rege Nauarræ primo Principe,  
patricio & Reformatæ Ecclesiæ, vt  
supradictum est, patrono,

Berzian.



REGIS.

REGIS NAVARRAEI  
IN SVA IN REGNUM  
Gallicum inauguratione iusiu-  
randum atq; testificatio.

*Adhac,*

*MVTVVM REGII SANGVINIS  
Principum & aliorum, veluti Ducum, Pa-  
triciorum & Regni Gallici ministro-  
rum ac Magistratum ius-  
jurandum.*



Os Henricus Dei gratia  
Franciæ & Nauarræ Rex,  
fide cautioneque Regia no-  
stris omnibus probis ac fi-  
delibus subditis, hisce literis propria  
manu obsignatis recipimus & iureiu-  
rando confirmamus, in nostro hoc Re-  
gno Religionem Catholicam, Aposto-  
licam & Romanam, integrum, illiba-  
tamque conseruaturos, facturosq; di-  
ligentissimè, ne quid prorsus innoue-  
tur aut immutetur, nec in illius Politia  
& professione, nec in Personis faculta-  
tibusq; Ecclesiasticis, in earum proui-  
sione & Oeconomia, eorū quidē, quos  
& idoneos & Catholicos esse constat:

idque omnino uti anteà testati polli-  
citi que sumus. Quin & ex illa ipsa de-  
claratione, quam nos priusquam digni-  
tatem Regiam essemus adepti, edidi-  
mus, paratissimi sumus, hocq; maxi-  
mè vnum optamus à legitimo, libero  
generatiq; Concilio edoceri, ut, quic-  
quid in eo statuerat ac decernetur, id  
ipsum sequamur & obseruemus: quod  
etiam eo potissimum consilio intra  
sextum mensum, atque citius adeò, si  
modo fieri possit, indicendum cogend-  
umq; curabimus. Interim verò nul-  
lum aliùs Religionis exercitium fiet,  
nisi Catholicae, Apostolicae & Roma-  
nae, præterquam in ijs locis & urbibus,  
in quibus altera iam instituta & con-  
stituta est, secundum eas conditiones,  
quæ inter Henricum tertium fato fun-  
ctum, felicissimæ memorie Regem,  
Dominum, fratremq; nostrum hono-  
ratiss. & nos ipsos superiore mense A-  
prili paetæ latæq; sunt: quo ad quidem  
pace in uniuerso hoc Regno facta, vi-  
sum aliter constitutumq; fuerit in Co-  
mitijs & tñium ordinum cōuentu. qui  
nostro etiam iuslu & autoritate intra  
præstitutum illud semestre spatiū a-  
getur. Adhac promittimus, quas vr-  
bes,

bes, castella & arces, ex perduellium  
manibus eripi emus, & aut armis, aut a-  
lta quaçunq; ratione in nostram ditio-  
nem imperiumque redigemus, has no-  
strorum fidelium subditorum & Ca-  
tholicorum duntaxat (ceteris omnibus  
posthabitis) fidei actutelē commissum  
iri: præter eas tamen, quæ ex fœderis  
illius capitibus a Rege defuncto exce-  
ptæ, & in vnaquaq; prouincia ac præ-  
fectura, ijs qui reformatam Religio-  
nem profitentur certis conditionibus  
in eo comprehensis, destinatae fue-  
runt: Nos quoq; hoc pollicemur, quo-  
rumcunque Magistratum & Guber-  
natorum interregnum alibi erit, quam  
in ijs oppidis & arcibus, quæ in Refor-  
matæ Religionis hominum manibus  
sunt, nostracura & mandato, Catholi-  
costantum viros, fideles nobis subdi-  
tos, & ad rerum administrationem i-  
doneos, in demortuorum locum suc-  
cessuros. Præterea profitemur ac pol-  
licemur Principibus, Ducibus, Patri-  
cijs, Regiæ coionæ administris, Opti-  
matibus, Nobilibus, omnibus denique  
nullo discrimine habito, nobis fideli-  
bus ac morigeris subditis, nos sua bo-  
na munera, dignitates, ordines, magi-

stratus, priuilegia, præfecturas, prærogatiuas, iura officiaque consueta, sarta  
te & taq; & integra ipsis conseruatuos:  
ac nominatiim eos, qui fideles defuncti  
Regis seruos se se præstiterunt, que-  
cunq; poterimus beneficij præmijque  
genere libentissimè & liberalissimè  
prosequuturos: Postremò, fretos pro-  
borum nobisque fidelium subditorum  
ope atq; opera, nostras omnes faculta-  
tes & vires, atque, si res ita ferat, vitam  
quoque nostram profusuros, vt iustæ  
seueritatis exemplum in eos statuatur  
& educatur, qui tam nefarium parrici-  
dium, atrox facinus & commissoriam  
detestandamque perfidiam in defun-  
ctum Regem, Principemq; ac modera-  
torem nostrum summum patrarunt ac  
ediderunt, è castris Sanclauij 4. Die  
Augusti 1589. Signatum.

Henricus

Et Paulò inferiùs

Ruzeus.

*J V S I V R A N D V M*  
REGII SANGVINIS PRINCI-  
pum atq; aliorum Ducum, Patriciorum  
& Francicæ Coronæ ministrorum  
Majestati Regiæ da-  
tum.

**N**Os Regij sanguinis Principes, a-  
lijq; Duces & Coronæ Francicæ  
Ministri, Optimates, Nobiles, cæteri-  
que subsignati omnes, interim dum  
Principum, Ducum, Patriciorum &  
Coronæ ministrorum, atque aliorum  
Procerum, qui Regi Henrico huius  
nominis tertio (quem Deus à suis no-  
xis omnibus solutum, pace sempiterna  
frui velit) illius mortis tempore, fide-  
les se seruos ac subditos præstiterunt,  
conuentum expectamus: ex ijs quibus  
Regnum hoc nititur & stat Legibus,  
(quas vulgo fundamentales vocamus)  
Francicæ & Nauarræ Regem Henri-  
cum, Regem nostrum, naturalemq; ac  
legitimum Principem agnoscimus: at-  
que, iure iurando, ac promissis, quæ su-  
pra scripta sunt, nobis ab illo factis cō-  
fisi, omne illi obsequium atq; obedien-  
tiam promittimus, ac spondemus: sub  
ijs quoque conditionibus, vt intra sex-  
tum

tum mensem Maiestas ipsius corun-  
dem Principum, Ducum, Patriciorum  
& Coronæ ministrorum, aliorumq; O-  
ptimatum, qui Regij obitus tempore,  
in suo erga cum officio perstiterunt,  
confilium congreget ac conuocet, vt  
communi omnes consilio & consensu  
de rebus ad huius Regni statum perti-  
nentibns amplius deliberent atq; co-  
sultent: Concilij Comitiorumq; gene-  
ralium decretis, præstolando, quemad-  
modum id ipsius Regiæ maiestatis pa-  
cto promissoq; confirmatur & sancti-  
tetur. Cuius etiambona venia nobis lice-  
bit (quod illi perquam summissè sup-  
plicamus) ut insignes aliquot viri à no-  
bis delecti ad sanctum nostrum Patrē,  
Romanum Pontificem dimittantur &  
ablegentur, apud quem eas, quæ nos ad  
hoc promissum faciendum potissimum  
impulerūt occasiones nominatim sin-  
gillatimq; edisserāt: ab eoq; impetrēt,  
quod tam ad Christianæ Religionis cō-  
firmationē ac progressionem, & Regiæ  
Maiestatis utilitatem atq; obsequium  
quam ad usus Regni in pristino suo  
illo splendore, conseruationē necessa-  
rium esse iudicabimus. Nos etiam sup-  
pliciter & demissè hanc ipsam maiesta-

te ob-

te obtestamur, atq; obsecram<sup>9</sup>, vt quod  
ipsa vltro nobis obtulit ac pollicita est:  
quippe iustitiæ princeps & communis  
omnium suorum subditorum parés ad  
nefariā illud scelus ac execrandā per-  
fidiā, & dedita opera patratū defuncti  
Regis Henrici optimi nostri Principis  
nuper interfecti ( cuius manes ad o-  
mnem æternitatē solida felicitate di-  
uino beneficio perfruantur ) homici-  
dium quām grauissimè atque acerrimè  
poterit, vindicandi incumbat, vnde  
cæteri ad tale quid audiēdum tardiores  
posthac fiant. Quam quidem rem quod  
facilius feliciusque perficere, simul &  
perduelles atq; eos, qui Regnum hoc v-  
surpare, quo iure quaq; iniuria conté-  
dunt, ejicere & exterminare possit: nos  
eidem Maiestati quantūm poterimus  
maximam opem & operam, facultates-  
que vniuersas, atque vitam adeo ipsam  
pollicemur, è castris Sanclauij 4. Aug.  
1589. Atq; hoc iuslurandum, tuochi-  
rographo obsignarunt.

1. Franciscus Borbonius, 2. Henticus Aurelianensis,  
3. Franciscus Lucéburgius, 4. Ludouicus Rohanus.  
5. Birouius, 6. Aumontius,  
7. Inteuillæus, 8. Angeineus,  
9. R. Angeineus, 10. Castellonetus,  
11. Claremontius, itemque alij  
Penses & nobiles permulti.

EPISTOLAE AB HEN-  
RICO III. GALLIARVM  
Rege ad Montis Belligardi Co-  
mitem missæ exemplum.



Ostequim, Mi cognate, mei  
aduersarij suas omnes mathi-  
nas & perfidias adhibuissent,  
ut quas molebantur fraudes  
ac proditiones, ea suum aliquando exitum  
consequerentur: vidissent autem, Deo Opt.  
Max. utpote Principum propugnatori ac  
iusto infidelitatis subditorum vindici, mea  
authoritatis in pristinum statum restitutio-  
nem nec obscuræ nec mediocre curæ esse, idq;  
cum suo probro & dedecore maximo: illitan-  
dem nullam sibi salutis spem, nisi in mea  
morte relietam esse, atq; oportere conspira-  
tionem, à se iam pridem constitam, ad finem  
sibi propositum perducere. ideoq; nullum non  
facinus, quantumuis immane, & barba-  
rum, attentare, in animum suum induxe-  
runt. Quamobrem meo illo summo in meam  
Religionem studio, nec non libero ad me ac-  
cessu, & mea, quam non inuitus facio reli-  
giosis omnibus misericordiis Ecclesiasticis, qui  
me compellare cupiunt, potestate abusi, atq;  
per hanc speciem, tum diuinæ leges, tum fi-  
dem (quam vel unus Ecclesiastici habitus  
atq;

atq; vestitus præferre debet ) violare nihil  
veriti, nefaria sua consilia ita efficere cogita-  
runt. Ecce enim hoc ipso manè quidam è fa-  
milia Dominicana adolescens à Generali meo  
Procuratore adductus, literas, ut ipse qui-  
dem dicebat, ab Harlœo primo in suprema  
mea Curia Präside, egregio & fidelissimo  
mihi seruo, & hac maximè gratia Lutetiae  
in carcerem dudum coniecto, ad me datu-  
rus, atq; aliquid mihi eius nomine dicturus.  
in meum cubiculum meo ipsius iussu intro-  
ductus est, nullo tum præsente, præterquam  
Belgardio primo meo ex Nobilibus Cubicu-  
lario & Generali illo Procuratore. Postquam  
verò ille me salutasset, seg; mihi arcani ali-  
quid dicere velle simularet, feci ut duo illi  
modò nominati viri secederent: tuncq; sce-  
leratus iste me cultro percussit, trucidare me  
coxitans. At Deus, qui suorum rationem cu-  
ramq; habet, per eam reuerentiam, qua so-  
leo eos complecti, qui illius cultus & obser-  
uantia se consecratos esse videri volant, vi-  
tam me amittere non est passus, sed eam mihi  
pro singulari sua bonitate à periculo conser-  
uauit, scariq; illius consilium impediuit,  
cultri iictum obliquè deflectens, ut ego Dei  
beneficio fretus plagam minimè lethalem ar-  
bitrer, sed sperem pristinam meam sanita-  
tem breui mihi ab eo restitutum iri. Mihi

sane

Sanè dubium non est, quineiusmodi viam  
ita fallacem & insidiosam execrentur &  
horreant, uti debent, cùm bonis omnes, tum  
principes maximè, ob illius iniquitatem sunt-  
mam, & perniciosum etiam exemplum. Et  
quoniam te in ceteris omnibus optimi pro-  
pinqui, veriq; amici loco habeo, factu opti-  
mum iudicavi eo de casute admonere; per-  
suasum hoc habens, te, ut & facinus eiusmo-  
di, & eos quibus autoribus illud commissum  
est, vituperabis, sic vehementer ganisurum;  
cum mea salutis spem ex his intellexeris: Ita  
enim Deo dante breui futurum spero, quem  
rogo ut te, cognate mi, saluum & in column  
conseruet, è castris Sanclauij, primo Die Au-  
gusti 1589. Signatum. Henricus: Et Pau-  
lo inferius, Ruzeus.

LITERARVM REGIS  
NAVARRAE CVM SVPE-  
rioribus ad Montis Belligardi Co-  
mitem missarum exem-  
plum.

**M**I cognate, scriptis à Rege Domino fra-  
tre q; meo iam vulnerato literis, tabel-  
larium hunc consultò detinueram, ut de eius  
silute certior per mesieres. Sed postridie eius  
dierit, qui fuit hesternus, in cœlū Deo ita violen-  
te ex hac vita migravit, non sine acerbissimo  
fuorum

Iudiciorum omnium fidissimorum subditorum,  
& meo præcipue dolore ac desiderio. tum ob  
non mediocrem, qua me prosequebatur, ami-  
ciam, tum ob grauissima difficultatis ne-  
gotia, que mihi in hoc regno gerenda reli-  
quit. Istud parricidium adeò sceleratè ab hy-  
pocrita quodam Dominicanο admissum, à  
Deo & ab omnibus Christianis Principib⁹  
& Optimatib⁹, ac potissimum ab ijs qui af-  
finitate ac fædere huic Coronæ cōiuncti sunt,  
pœnas expetit: quas ego, quippe Regis Succe-  
sor, persequi constitui: Ideo j⁹ insignem & gra-  
uem aliquem virum brevi mittere, qui cum  
omnibus Germanie Principib⁹, eademq; via  
tecum ipso eadere agat. Ego interim magnā  
tibi & habeo & ago gratiam, de tua illa erga  
me mihi perspectissima benevolentia, quam  
certè quidem maximi facio, confsus, te, ut  
multis anticis argumentis eam testatus es, sic et  
in posterum officijs multò maioribus eam i-  
psim testaturum, à te igitur, mi cognate, pe-  
to, ut eandem summa fide serues atq; etiam  
augeas: nec non id, quod de te mihi pollicor,  
promptum paratumq; habeas, ut pactum cō-  
uentum transfigitur. Atq; hic Deum rogo, ut  
te pro sui benignitate in suam curam tute-  
limque recipiat. In castris, è ponte Sanclauij  
3. Augusti.

G

Quæ

Quæ sequuntur Regis ipsius manu  
scripta sunt.

**E**go, mi cognate, magni beneficij & gra-  
tiae loco, tuum in me amorem semper ha-  
bui, ex ijs quæ administri mei de te mihi re-  
nuntiarunt. Eum te, ut spero, in hac tanta  
occasione, re iam ipsa comprobalis, cum præ-  
fertim hæc mea controuersiatam iusta legiti-  
mag̃ sit, ut magis esse non possit.

**DVCIS LOTHARINGI AD**  
ciues Lingonenses Literæ.

**C**redo equidem (ciues integerrimi) vos  
satis intelligere, quanta ex defuncti Re-  
gis, qui fuit Princeps omnium maximè Ca-  
tholicus, obitu, in Religionis statu mutatio  
futura sit, nisi mature illi prouideatur. Atq;  
hæc una caufa facit, ut mortem illius meri-  
tiſſimò deplorem ac lugeam: præter granissi-  
mum etiam, quem inde capio dolorem, vel  
ob hanc præcipue rationem, quod et ego & li-  
beri mei arctissimo affinitatis et summi amo-  
ris vinculo coniuncti essemus: id quod nobis  
non mediocri honori & ornamento erat. Cum  
que omnes bene à natura informati, Princi-  
pes honoris, cultusq; diuini studiosi & obser-  
uantes in eiusmodi mutatione ad rem adeo  
caram & pretiosam, ut maiorum nostrorum  
religionem, in qua hoc Regnum altum euectū  
conseruatumq; fuit, retinendam, summam  
curam

7

curam diligentiamq; adhibere debeant: Non  
possum, non omni, quanta potero maxima,  
ope & opera eniti, ut in re tam graui & seria  
meo fuisse officio perfunctus, & fidem, qua  
mea & ipsius conscientia, & Regno potissimum  
Gallico sum obstrictus, liberasse videar: cuius  
quidem miserabilem dissipationem breuiflu-  
turam praeudio, nisi iam eadem ratione, qua  
antea, nempe Religione Catholica, Apostolica  
& Romana, fulciatur. A vobis igitur, ciues  
integerrimi, peto, ut quam maxime poteritis,  
in eam rem incumbatis, nec patiamini, reci-  
piendis in urbem vestram, heresos fautori-  
bus & conscijs, ut ea existimatio, quam anti-  
qua vestra in Deum & ipsius Ecclesiam pietate  
te collegistis, maximo cum vestro dedecore &  
probro deteratur atq; obscuretur. Vos autem  
inuito & rogo, ut in pia illa voluntate, que  
vos toti Francia & vicinis nationibus plus-  
rimum semper commendauit, constanter ma-  
neatis: credatisq; si in ista sententia & studio  
perstabitis, nihil nec opis nec auxiliij, quantū  
quidem in me erit, vobis à me defuturum: id  
que vobis de me omnino persuasum habetote  
Quod ad me verò attinet, ut, quanta mihi  
cura & commendationi hoc negotiū sit, ostendam  
& re quoq; ipsa confirmem, constitutum  
etiam mihi est, filium meum Pontis Marchio-  
nem copijs quam potero maximis instructū

sunc dimittere, ut Catholicis Francia labo-  
rantibus, & nominatim Lutetiae Parisiore, vnde ceterarum totius regni urbium salus  
pendet, presentem opem ferat. Et hanc quidē  
meam voluntatem maxima huius Regni par-  
tigratam fore confido. Deum quoq; ipsum te-  
stor, me in hac toare, nulla aliavel cupidita-  
te vel consilio impelli, quam uno illius obser-  
uantie & cœlius studio. Id quod me in omni-  
bus meis actionibus & ipsis, que inde conse-  
quentur effectis, facile comprobaturum spe-  
ro. Nancii 10. Augusti 1589.

Lingonensem responsum.

**N**ostibi ô Dux clarissime, serui per quam  
summissi, ex literis tuis summam volu-  
ptatem cepimus, quibus nos, ut in antiqua  
nostra Religione permaneamus, admones, si-  
mul & testificaris, quanto pere summi totius  
terrarum orbis Monarchæ & Catholice Re-  
ligionis pro ceteris omnibus longè obseruan-  
tissimi decessu angaris & mœreas. Denobis  
autē, tibi sic promittimus atq; confirmamus,  
nos à Religione Catholica, Apostolica & Ro-  
mana, qua à multis seculis imbuti institutis  
sumus, nullo unquam casu defecturos: Nihil  
ominus tamen paratos, ad opem auxiliumq;  
regi ferendum, & ad generosæ illi Nobilitati  
Gallicæ, toti terrarum orbi formidabili, que  
ad illam gentibus omnibus detestabilem, &  
omni-

omnium quæ unquam factæ sunt, sceleratissimam ac perfidiōfissimam, Regis Christianissimi cedem acerrimè vindicandam, se comparat, succurrentum, nostras omnes facultates & vitam etiam ipsam liberalissimè profundere; nec non totis nostris viribus, illis, qui de hac misera & miseranda morte quodā modo triumphant, nos ipsos obīcere & opponere: veritos, ne legitimi nostri Principis morte, aut consensione, aut dissimulantia quadā polluamur. Hoc autem penitus persuasum habemus, te, ô Dux illustrissime, pro ea, qua tu illicioniū etiissimus fuisti, affinitate ac necessitudine, eadem mente ac voluntate affectum iri, ad tam dirum & atrox facinus vindicandum, qua omnes uniuersi orbis Principes, qui eo vehementissimè commouebuntur, hinc satiēdocti, suam ipsorū rem et salutem iamagi & hinc quodāmodo pendere. Te vero suppliciter & summissè rogamus ut hoc tibi perjuadeas, nos hac in re potissimum, & incertis etiā omnibus tuo obsequio addictissimos, atq; eodem tecum animo & studio coniunctissimos semper fore. Lingonis 12. die Augu. 89,

Lingonenium de sua in Regem fide declaratio.

**N**Os Regij Magistratus, Praefectus urbis, Aediles, Lingonarum ciues & incola subsignati: Cum in publicas aedes, super homi

cidio à Dominicanu quodam in HENricum  
Valesium huius nominis tertium defunctū,  
nostrum fælicissime memorie Regem ac Do-  
minum, (cuius anima Deus utinam misera-  
tur) perfidè admisso consultaturi hodie con-  
uenissimus: Multis urbis huiusc Præfecti &  
Aedilium admonitionib, cohortationibusq,  
grauiſſimis commoti, omnes summo conſen-  
ſu, ad Regie Coronæ ſplendorem atq,  
ampli-  
tudinem, & ad huius urbis conſeruationem,  
pro ea qua & maiores nostri, et nos etiam ipſi  
Reges nostros coluimus, fide & obſeruantia  
Promiſimis & iurauimus, Promittimus et-  
iamnum et iuramus nos in hac Linzonarum  
urbe in Dei metu cultuq,  
atq,  
in Religionis  
Catholice, Apostolice & Romane, qua tum  
maiores, tum nos quoq,  
ipſi imbuti & insti-  
tutisimus, profeſſione, una mente victuros,  
nec ullum omnino fædus cum uollo aut in hoc  
Regno, aut extra Regnum facturos, ad ullam  
factionem, conſpirationem, & conſiliorum ſo-  
cietatem ineundam, niſi quam probi & ger-  
mani animo ac genere Franci, cum iure natu-  
ra ſuo et legitimo Rege inire debet, idq,  
ex ipſi  
uoluſſu & mandato: Neq,  
ullo modo de ea fi-  
de & obedientia, qua ſuperiores nostros Reges  
obſeruauiimus, deflexuros, ſed pottius in ea fi-  
deliſſimè & conſtantissimè ad extreμū uſq,  
Spiritum permansuros, qui n etiam vitam i-

Psalm

psam, opes & facultates omnes effusuros, ad  
huius Regni statū sartumq, tectumq, conser-  
uandum, ad quibus Regnum ipsum nititur,  
quas fundamentales vocamus, leges sigilla-  
tim obseruandas & nominatim ad agnoscen-  
dum, ut reuera agnoscimus, Henricum Bor-  
bonium eius nominis IIII. summum nostrum  
Regem, quippe legitimū Corona Regiae hære-  
dem ac successorem. Ideoq, promittimus nos  
illi eandem prorsus fidem obsequiumq, præsta-  
turos quod defunctis Regibus ipsius maiorib-  
us, præstare consuevimus. Adhæc nostras o-  
pes omnes & vitam quoq, exhausturos ad iu-  
stam illius homicidij perfidiosè indefunctum  
Henricum Regem patrati ultionem persequē-  
dam, nec non ad eam rem adhibituros, quic-  
quid probi ac veri subditi ad rem tantam ad-  
hibere possunt, ac pro sua quidem parte de-  
bent. Postremò, nullum in hanc urbem adi-  
sum ijs, qui aut turbas, aut seditiones aduer-  
sus obsequium illius Maiestati debitum in ea  
concitare possunt, daturos. Ad quarum re-  
rum testificationem confirmationemq, hanc  
nostram declarationem proprijs Cht-  
rographis obsignauimus 12.

Augusti 1588.

F I N I S.